




二

茅廿二止
 隆吉集
 潛齋集
 冬寮集
 石門文字禪
 花菫集

柳田文庫
 文庫11
 D 156
 32



文獻11
D156
32

隆吉詩鈔

八九

梁棟字隆吉其先湘州人。生于鄂州。後遷居鎮江。弱冠領漕薦登戊辰第。選寶應簿。調錢塘仁。和尉。入帥幕。一時聲名張甚。旋避地建上。丙子宋亡。歸武林。弟柱字中砥。入茅山。從老氏學。棟往依焉。庚寅遭詩禍。名益著。時往來茅山。建康間。江東人士從者甚衆。乙巳無疾卒。平日好吟詠。稿無存者。門人問故。曰。吾詩堪傳。人將有腹藁。在。宋遺民之皦然者也。

大茅峰

杖藜絕頂窮追尋。青山世路爭嶮嶮。碧雲遮斷天外眼。春風吹老人間心。大龍上天寶劍化。小龍入海明珠沉。無人更守玄帝鼎。有客欲問秦皇金。巔崖誰念受辛苦。古洞未



010190554347

48-12203

易潛幽溪。神光不破。黑暗腦。山鬼空學。離騷吟。我來俯仰。一慨慷。山川良昔。人民今安。得長扛撐。日月華陽。世界收層陰。一聲長嘯。下山去。草木爲我留清音。

四禽言

不如歸去。錦官宮殿。迷煙樹。天津橋上。一兩聲。叫破中原。無住處。不如歸去。脫却布袴。貧家能有幾尺布。織盡寒機。無得裁。可人不來。廉叔度。脫却布袴。行不得也哥哥。湖南北。春水多。九疑山前。叫虞舜。奈此乾坤。無路何。行不得也哥哥。提葫蘆。年來酒賤。頻頻沽。衆人皆醉。我亦醉。哀哉誰問醒。三闖。提葫蘆。

金陵廢宮

六代俄然又一唐。青山坐閱幾興亡。心知江左非王業。口說中原是帝鄉。落日有時登北固。春風吹夢過錢塘。荆墳檜宅依然在。留與烏衣話短長。

鳳皇臺

白髮久孤鸚鵡杯。碧梧自老鳳皇臺。管夷吾亦僅如許。李謫仙今安在哉。城郭是非秋雨外。江山形勝暮潮來。小留只等中秋月。且放青冥萬里開。

白鷺亭

荻花蘆葉老風煙。獨上秋城思渺然。白鷺不知如許事。赤烏又隔幾何年。六朝往事秦淮水。一笛晚風江浦船。我輩人今竟誰許。只堪漁艇夕陽邊。

雨花臺

孤雲落日倚西風。歷歷興亡望眼中。山入六朝青未了。江
浮五馬恨無窮。客愁已付蒲萄綠。逕雨空餘瑪瑙紅。我亦
欲談當世事。無人喚醒紫髯翁。

題寅叔小園

窅巷渾無市井喧。主人有客便開樽。數竿脩竹三間屋。幾
樹閒花一畝園。楚岫和雲移怪石。秦淮流月下高原。此身
且比淵明樂。母在高堂子候門。

久雨有感二首

冥雲生八荒。驟雨忽然至。中宵揭屋破。漏濕無處避。牀牀
不得乾。僵立見憔悴。嬌兒莫啼哭。少頃待晴霽。
少年不學稼。老大生理拙。入山採黃精。窮冬一尺雪。虎狼

正縱橫。原野有白骨。傷心重傷心。吾饑何足恤。

贈嘉興徐同年

憶昔青龍在戊辰。馬蹄同踏杏園春。歸田令尹空書晉。執
戟郎君盡美新。萬事不醒中酒聖。一貧無奈訟錢神。相逢
莫效窮途泣。自古求仁要得仁。

野水孤舟

前村雨過溪流亂。行路迷漫都間斷。孤洲盡日少人來。小
舟繫在垂楊岸。主人空有濟川心。坐見門前水日深。袖手
歸來茅屋下。任他鷗鳥白浮沉。

黃葵

乾坤有正氣。間色皆爲臣。名葩據中央。紅紫誰敢鄰。傾日
不忘君。衛足恐傷身。冥然無知識。忠孝出本真。林林天地

間戴履而爲人。明靈秀萬物。孰不尊君親。嗟嗟叔季後。利欲泯天倫。邈哉望帝國。產此瑞世珍。九夏不趨炎。三月不爭春。高秋風露冷。孤標出清塵。背時還獨立。攬芳淚沾巾。

金陵三遷有感

憔悴城南短李紳。多情烏帽染黃塵。讀書不了平生事。閱世空存後死身。落日江山宜喚酒。西風天地正愁人。他蜂蝶黃花老。明月園林是小春。

淵明攜酒圖

淵明無心雲。纔出便歸岫。東舉半頃秫。所種不常有。苦恨無酒錢。閒却持盃手。今朝有一壺。攜之訪親友。惜無好事人。能消幾壺酒。區區謀一醉。豈望名不朽。閒吟籬下菊。自傳門前柳。試問劉寄奴。還識此人否。

春日郊游和友人韻

憶昔東風御柳斜。枯腸一日萬周車。壯心難起泥中絮。老眼羞看霧裏花。巷陌幾家無主燕。池塘一種爲官蛙。江南寒食無煙火。白晝沉沉似月華。

送李北山歸建康

人生無百年。胡爲在遠道。遊子歸故鄉。王孫怨芳草。有田歸去來。無田歸亦好。

貧賤有餓死。富貴履危機。東海不可漁。西山采無薇。四方已一氣。我今將安歸。

潛齋詩鈔

九十

何夢桂字巖叟初名應祈字申甫巖之淳安人咸淳乙丑省試首選時罷臨軒廷唱一甲三名授台州軍事判官歷仕至大理寺大卿知事不可爲遂引疾去至元累徵不起築室小酉源著書自號潛齋尤深於易學與陳止齋方蛟峰游善詩淳朴不泯規摹之迹而志節皎然有潛齋集

贈唐樂天星翁

有客傲今世去古見似人得姓遺唐譜自號樂天民毋乃香山老重來現後身問君何能解滿口談天星術高價難酬索詩抵千金我政坐詩窮敢以窮累君君謂窮不憂詩富樂我貧不見石友死錦帆不斂形不見鄱侯餓銅山化

為塵命固受於天。誰能躍陶鈞。外物不可必。吾已反吾真。
若看世上兒。疾走方紆紆。

擬古五首

木落不離根。菊槁不離枝。人懷父母心。豈願生別離。皇路
窘幽蔽。民用嬰百罹。南枝棲越鳥。忍逐北風飛。北風藐萬
里。分死無回期。骨朽化為塵。魂魄將南歸。生為結髮婚。死
為同穴鬼。豈意水上緣。淪沒隔萬里。半鏡隨塵沙。嫁衣在
巾箱。紅絲倘未絕。白首尚歸止。心隨碣石雲。淚落銅盤水。
雲飛會南來。水流還北注。此生不可期。心期曷來世。
萬馬蕭蕭來。萬矢的的鳴。蛾眉逐羈馬。淚盡毗血零。偷生
愧夫天。寧死化鬼燐。昭質誓不污。九死志靡懲。紅玉隨劍
光。晶熒貫列星。遺齒葬螻蟻。冢墓高媯陵。封狼遯萬里。風

雪饒陰山。地荒走蛇豕。悍繫去不還。高門誰氏子。受驅牧
猥獍。去時執袴弊。羶毳不蔽寒。夜夜望北斗。不逐南箕旋。
父母生我初。拊我掌股間。豈意越在茲。撫身空自憐。
杞國天柱傾。哀我鞠子疚。蒼鵝飛冲天。祇星大如斗。簾下
玉牀移。山摧失鰲負。河南弔遺黎。原野骨未朽。北邙望孤
陵。古木叫猿狖。朔風吹塵沙。天寒薄翠袖。南雲山萬重。去
去莫回首。

贈術士邵易庵

易道皆萬變。萬彙寄一易。大道降九流。至理散方術。譬猶
八面窗。八方可從入。譬猶九達衢。九軌所由出。道術雖二
致。殊途極歸一。得醫為倉扁。得法為軌革。郭氏探錦囊。甘
心步璇曆。勿謂所執微。垂名等籍籍。易庵挾四技。每技探

易。隨。技。分。易。不。精。君。獨。精。以。密。我。愧。絕。韋。編。所。得。在。一。畫。一。畫。未。爲。病。錯。出。已。什。伯。四。事。君。盡。兼。懼。君。苦。形。役。持。此。應。世。間。化。身。須。百。億。

蛟龍歌

蛟峰先生以猩猩歌雞雛吟二章見寄。所以興起人心。維持世教。甚切切也。其發明比興。已無餘蘊。後有作者。無能再出新意矣。今輒以蛟龍歌答賦。猩猩歌希有鳥吟。答賦雞雛吟。前章以招蛟峰先生之心。後章以廣可菴老子之意。

生物具角齒。每每與物抗。蹈狝虎以剛。觸藩羊以壯。世間怪物有蛟龍。三百六十蟲之長。神靈出嗑吸。變化互來往。布爪曾雲典。鼓鬚歛電放。無欲不受劉累馴。假形豈被葉公誑。時飛則飛。潛則潛。所以隨時知得喪。莫道魚鰕性不靈。相依煦沫。豈敢噴江濱。鱣鯨久失水。聞此鼓舞咸相親。世無刑醢受。時非法網秦。然匪藉餘蔭。安能逃世人。亡象齒與革。亡猩血與脣。有身卽有患。誰能無其身。安得此身化爲雲。隨龍上下雲無心。

希有鳥吟

穹壤紛衆羽。固有仁不仁。鴉鳳雖異性。同爲陰陽根。惟彼希有鳥。於禽集大成。力可振海嶽。粉鞞似無能。鯢鵬侈變化。比予爾何曾。羣鷖偃下風。舉受翼卵恩。萬里不足飛。千載始一鳴。遠之不可疏。卽之不可親。地維缺不震。天柱折不驚。安得以寵辱。而能累其身。世固有。大物。天地間。氣生。卑卑局耳目。夫誰識其真。道大固難同。安能抗世情。何如

任毀譽。倘然忘我人。不諧衆人口。而諧萬世心。

愚石歌

大塊初分生怪石。曾與不周山作骨。山崩地缺天柱摧。片石蒼姿轉奇崛。媧皇煉石補天工。化作五星成五色。地下爲石天上星。頑質變化生神靈。一朝天狼齧蝕五星隕。隕石宋野猶有光晶熒。何人夜負入海嶼。錯雜昆吾無覓處。中間塊石獨嶽嶽。住在錦溪淡上澗。石潤可以硯。石紋可以屏。鼂屨或剗鼎。廉粟或劓銘。不然雲母與紫英。否則丹砂和空青。爾材於用百不適。空有千尺高稜層。暴流沒馬不加減。霜降石出不加增。火不焦水不凝。刻桐扣不鳴。飲羽射不驚。世間至智不能化。而我安敢逃。愚名人聞愚惡聞智喜。君謂我愚真知己。築室詔子願結交。更請柳溪作

愚記我笑已。愚君更愚。世有兩愚適相值。江流東去夕陽西。千古相看只如此。當年三品不點頭。况被傍人鞭得起。

芸窓集畫圖

天馬不生韓幹死。雀白翎毛落蒿里。虎頭妙筆夜通靈。主爵郎中修畫史。楊君畫眼空四海。賸把金奩貯奇詭。牧馬邊草秋。一騎一縱驂與驅。阿誰青鬃嚼金勒。拔劍奔逐鬣怒虬。提弓空揮鳴鏑盡。塵沙馬耳風颼颼。篋管谷中一梢出。冷蕊相看水雪骨。葵花二色空爭妍。沒骨丹青輸水墨。猿猱兩兩雄觀雌。獐鼠伎伎母赴兒。水禽並下照秋水。足踏枯荷浸漣漪。人間清景能幾許。野馬戰場祇尺咫。芸窓一幅水沉烟。俛仰乾坤千古意。

和南山弟虎圖行

高堂突兀生崇岡。於菟眼電牙磨霜。古言市虎人不信。誰
信校一來座傍。衆犬僵仆兒輩走。猛士腰弩成蹶張。老翁
卒見亦驚怪。便欲騎取參西皇。乾坤沴氣產尤物。誰爲驅
雷入神筆。古樹蕭蕭風刁刁。陰崖幽幽雲墨墨。橫行嶺鼠
不畏人。弄子庭除成穴窟。藍田飲羽驚夜行。今乃將鬚當
白日。盡圖盡虎心自知。觸目或疑猶喘息。世間多少涪村
民。毛爪未完心已見。

和張按察秋山賦孤山

錢唐日夜水東流。回首孤山綠尚稠。千載老仙隨鶴去。百
年此地少人遊。相逢柳色還青眼。說着梅花總白頭。身後
閑名推不去。當年誤識薛杭州。

寄王南叟寓江卿

歌盡驪駒落日寒。相思無處問平安。客愁白髮三千丈。世
路青泥百八盤。夜月梅花頻入夢。秋風菰米強加餐。高山
如故絲絃在。懶向旁人取次彈。

賡曾省齋舊題鳳翔空壁

滄溟陵陸起黃埃。薦福禪叢半夜雷。玄鶴歸遲生墓草。白
鷗飛盡上磯苔。寒泉辱井留脂水。黑土夷陵出燼灰。往事
興亡渾一夢。高名千古黨碑魁。

和方大山寄韻

老去莊陵一釣竿。釣魚猶勝乞麤官。十年事業閑中過。千
載功名死後看。往事危枰休下着。交情枯木獨知寒。相逢
一笑雙蓬鬢。還倩何人斲鼻端。

哭橋陵

百年弓劍入橋陵。豈料三泉化劫塵。空有漁燈照荒土。忍將玉軸問遺民。蒼梧日落啼丹雀。金粟雲深臥石麟。寒食家家上丘冢。六宗孟飯屬何人。

弔維揚瓊花

雙鶴揚州問故家。一樽后土弔瓊花。人間驚破霓裳舞。天上徵回玉女車。死藥記曾霑雨露。落英誓不污泥沙。後庭玉樹今誰主。猶得臺城葬麗華。

丁亥清明和昭德侄孫韻

風吹苦棟結輕寒。乾石青精屋半間。潑火雨收春樹綠。踏青人出畫簾閑。紅顏白髮悲歡事。舊日新年夢覺關。滿地落花啼鳥急。天涯游子幾時還。

寄和竹所叔攝慈溪稅官二首

莫向揚州唱竹西。枯桑海水自相知。籠中老鶴千年翅。冰下寒蠶五色絲。官小暫淹山谷駕。庭閑好和老坡詩。凌風更上丹山頂。應笑人間蟻垤卑。半夜愚翁挾北山。頭銜休繫舊時官。風雲失手劍光冷。霜雪滿頭衣帶寬。歸去荒園三徑菊。相期晏歲九臯蘭。年年江上風濤急。不上嚴陵七里灘。

和牛知事

白首相逢歎暮年。棟花風後草連天。單車載月來林下。樽酒移春入座邊。野老爭持寒澗水。山靈盡掃暮庭烟。從君去後柴門閉。惟有閑雲繞屋椽。

招隱三首

昔年有約共投簪。回首紅塵白髮新。物外烟霞憐野逸。山

中風雨望佳人。好憑野鶴尋和靖。莫待山霧喚孔賓。遲暮
不來松蔭落。飛柯恐解折車輪。

別後頻驚束帶寬。相逢亦復笑蒼顏。祇今歲月青牛老。何
處烟波白鳥閑。千古心期寒綠綺。十年世事墮黃間。修篁
倚徧空江暮。枉殺招呼費小山。

回頭五十九年非。千里乘風翼倦飛。門外黃塵時事改。樽
前白髮故人稀。金河沙暖春鴻去。朱雀橋空海燕歸。惟有
巖陵灘下路。年年潮水上漁磯。

李郎中有詩謝寄藤杖。仍次韻答之。

海南覓得古藤枝。持與詩人杜牧之。紫貝斑文鞭更爛。赤
龍蒼骨蛻尤奇。路無夷險終全節。用有行藏一任時。非但
與君扶脚力。鏐蛟剗虎要支持。

夜坐有感

銀漢無聲玉漏沉。樓高風露入衣襟。洞龍睡熟雲歸岫。枝
鵲啼乾月滿林。甕裏故書前世夢。匣中孤劍少年心。征鴻
目斷關干角。吹盡參差到夜深。

山窩適興

剩得閑身鎮自憐。更憐閑占此山泉。滿階碧草客稀到。半
榻白雲人對眠。窓影枝搖知雀踏。壁痕苔濕認螭涎。日長
靜看辛夷樹。落盡閒花忘宿緣。

己卯春過西湖和諸公

白髮星星紗帽烏。怕隨年少過西湖。清明上冢行人少。寒
食開門宮使無。半世行藏隨杖屨。百年悲樂寄樽壺。歸來
第五橋邊路。半樹殘陽噪畢逋。

再和昭德孫燕子韻

說着興亡事不同。且斟玄玉駐顏紅。雲軒夢斷宮花老。綵
縷盟寒墓草豐。處處社時茅屋雨。年年春後棟花風。人間
不是無棲處。要認當年舊媪翁。

和昭德孫聞鵲

平生抵掌志伊吾。聞着鵲聲淚血枯。故國蠶叢千古恨。霧
關熊耳一身孤。自從飛去啼痕在。縱不歸來有夢無。莫向
延秋門上叫。門樓無數白頭烏。

和梅境寄韻

未能生翼化鯢魚。誰御冷風問太初。十載青山關洛客。半
生白首楚橋書。寒驢豈解思長道。病鶴徒知戀舊廬。世有
二程精說易。臯比何事到橫渠。

和酈發事見寄韻

詩書無用戲侏儒。兩序今猶見壁圖。末路弟兄知己少。中
原人物似君無。曲終湘水絲繩絕。書入昭陵筆硯蕪。珍重
江南春信早。暗隨梅萼到西湖。
半世虛名我誤儒。樊中短翅倦南圖。黃塵世路千年改。白
髮心期四海無。績紡婦慵麻褐短。耕鉏兒孺豆田蕪。老來
萬事心灰盡。只願君王賜鏡湖。

病起有感

聲乾木鐸說鈴非。天地無情世運奇。吾道悠悠川水逝。人
才落落曉星稀。百年身後千年遠。萬箇人中一箇知。一曲
汾亭彈未盡。却教漁父洩天機。

挽寧谷居士何公三首

英雄千古入泉臺。八十餘齡死更哀。隱谷雲歸龍已去。吟壇月墮鶴空回。黃花滿地詩人老。青檟成阡客來白髮。蓋棺公事了。朔風世路正黃埃。

天寒白月墮西河。血淚啼枯聽薤歌。食子俱忘收子在。近孫猶少遠孫多。西郊有地存詩窖。後圃無人負鞠窠。欲誌魯山慚四絕。空遺陳迹照松蘿。

鼠遠枯藤齧未休。得如此老死何求。翁踰八十媪黃髮。孫見曾玄兒白頭。身世幅巾歸爾室。歲時盂飯灑孤丘。百年心事無人識。分付黃花滿地秋。

感寓二首

西風落日怕登樓。倚徧闌干萬古愁。衰漢竟成三國誤。秣陵不改六朝羞。江山有恨留青史。天地無情送白頭。擊碎缺壺歌不盡。荒臺殘雨夢揚州。

試向昆明問劫灰。幾看麋鹿上蘇臺。閒中曆日生青草。夢裏乾坤化大槐。塞雁南歸春又去。江湖東下暮還來。臨平山盡啼鶻歇。可是征人喚不回。

挽太學正節先生徐應鑣

國破君亡一死宜。絕憐兒女死如飴。龍池竟負媯皇誓。蛙坎空遺烈士悲。洗骨不污唐六館。瀝心無愧趙孤兒。北行多少生還客。休向梯雲讀墓碑。

倚欄卽景

落日青山外。寒烟古樹頭。犬聲隔村落。漁火半汀洲。興廢江郊屋。行藏野渡舟。夜深風雨惡。人尚倚層樓。

登天台巾山

寸碧倚蒼旻。孤城俯可吞。人行平木杪。帆去入雲根。月榻
留僧夢。風松弔鶴魂。江心千古石。歲歲記潮痕。

和夾谷簽事題釣臺二首

雙臺絕壁鎖林霏。每恨躋攀足力微。今日重來問鷗鷺。絕
無人迹上苔磯。

觀風祠下謁先生。隔世相知重感情。歸向中州諸老說。且
休拈出此山名。

題川無竭寄傲窓

南山有路滑如苔。多少人從半嶺回。不是老僧空傲世。世
人白不上山來。

和王樵隱阻雨二首

春水連天雨載塗。春江無處認平蕪。茫茫世路風波惡。雷

得湘潭橘渚無。

偶出山來得半閑。桃花落盡水潺潺。早知人世多風雨。只
好當初莫下山。

贈雲屋王相士

滿榻塵埃不下山。白雲堆裏老陳搏。山中若見种明逸。休
說樵夫是達官。

贈枯崖鄭高士

歷盡冰霜幾踐更。皮毛剝落骨崢嶸。從前野燒閑花草。莫
遣春風吹復生。

梅邊

江南何處美人家。認似梅花尚恐差。近向梅邊得春信。始
知人好似梅花。

贈雲菴董道人

一場寒雲暝不開。茅簷低壓半蒼苔。近來雲出不成雨。莫遣無心出岫來。

度查木嶺

一逕羊腸躡嶺腰。鳥飛滅沒叫猿猱。回頭下界人如蟻。尚覺山隨脚步高。

參寥詩鈔

九一

僧道潛號參寥子。錢塘人。哲宗朝賜號妙摠大師。為蘇眉山門客。唱和往還。形於翰墨。時人因重之。陳後山贈序舉其論唐詩。僧貫休齊已。非用意於詩。工拙不足病。以是知所貴。乃其棄餘。可謂善諷矣。杭本多悞。集他詩。今未及與析也。

廬山雜興

古帝論匡山。南國之德鎮。邇來得躋攀。此語始吾信。雄雄壓九江。轟轟排萬刃。青天落飛瀑。白日雷霆震。石鏡俄忽開。孤光舞而運。異花無冬春。瑤草亦芳潤。遠公初渡江。道譽藹東晉。劉雷贊高風。遊世各無悶。陳迹虎溪頭。子今誰與訊。

衆峰勢連環。萬壘不可窮。香爐獨秀拔。佳氣常葱蔥。長風
卷遊霧。曉壁開曠曠。招提出其下。樓觀排青紅。回眸盼五
老。刻削金芙蓉。宜哉謫仙子。愛此巢雲松。

白鶴峰後原。逶迤曠平陸。道周問樵子。古實青牛谷。披榛
得徑路。曳杖驚麋鹿。鮑生古騷人。曾過鍊師宿。明月古壇
邊。題詩記脩竹。茲焉廢耕隴。歲晏空菽粟。薄日靜銜山。驚
湍瀉哀玉。回首睇吾廬。風幡隔林麓。

山南信美矣。山北尤增奇。春風錦繡谷。紅素自相依。梯空
上絕巘。雲日驚倒窺。崖壁暈祥光。五色成玻璃。旁通大林
寺。松竹短且欹。樂天當日遊。四月桃始披。餘齡願寄此。永

與人世違。

少文好山林。每往輒忘歸。余生千載後。獨與斯人違。揭來

爐峰下。結宇聊棲遲。長林拱茂木。九夏遺炎曦。溪雨晝忽
破。藤花照清漪。黃鸝語淡竹。可聽不可窺。暮峰騰玄雲。飛
雨來滂沱。亂點灑蒼壁。森森挂青蘿。須臾漲前溪。蕩蕩浮
銀河。中流轉巨石。出沒如龍鬣。天雨夜開霽。星蟾瑩摩挲。
玲瓏辨崖樹。宛轉照庭柯。詠詩無桀句。奈此佳景何。
中崑不知暑。但覺晝景長。朝來出孤定。踽踽行西岡。風泉
漱石齒。松雨飛蒼蒼。猿鳥亦我喜。鹿麋還相將。喬林積翠
下。粲然矚孤芳。冉冉抱絕格。霏霏浮暗香。山祇善守護。每
吐雲霧藏。寄言樵蘇子。慎勿輕摧傷。

龍湫亘三峽。草木皆森奇。禪餘得支徑。別塲行逶迤。上人
吳門秀。邈有方外姿。芒屨襯兩足。策策欣相追。秋田罷刈
穫。雲水明空陂。雙雙林中禽。文彩光陸離。雍容事飲啄。相

顧忘驚飛。鮮颺忽騰馥。崑桂飄葳蕤。峰端卧落日。眷此忘還期。

霜清玉繩曉。澗谷風未號。澄潭不可極。俛盼驚骨毛。豈不有神物。於茲能遁逃。海日射兩崖。餘輝何昭昭。游鱗出岸穴。翻覆如銀刀。偶來殊不惡。勝事俄所遭。聊爲五字詠。遠愧謝與陶。

山溪雲物清。挹玩洗浮慮。昨日行澗南。飄然卽芒屨。風潭耿危約。晚與樵爭度。隔水認梅花。方驚歲華暮。幽人涉江海。樂事期誰預。山月獨多情。娟娟遲歸路。

高崑吐奇雲。倏忽千萬丈。援毫欲名貌。卷縮非一狀。飛仙或遨遊。隱隱出其上。驚颺忽吹滅。轉盼惟清嶂。山中勝事多。彼俗誰能亮。

圓月未出嶺。衆峰環蒼蒼。裴回倚修竹。遲此清夜光。俄驚衆木顛。灑灑浮銀潢。玉兔旣且躍。浮雲亦難妨。須臾經中天下。矚被八荒。却瞻中外官。森森斂低昂。

一月廬山陽。風光動林壑。陰崖拆曾水。隱隱飛瀟落。曦和伯化丁。萬彙欣並作。怒怒鳥聲聒。艷艷花霧薄。瘦骨喜攀躋。芒屨便筇确。期過山阿人。賞心將其託。

五更山雨餘。海月滿雲表。流輝入庭戶。炯炯白如縞。百舌語空林。關關催欲曉。衆禽亦和鳴。爲我釋孤抱。杉松本奇姿。洗滌看愈好。惆悵桃李花。東風卷如掃。

通玄接香谷。夾道青松直。高秋得微雨。秀色寒更碧。林梢挂紅子。照眼明的的。散策從所歡。悠悠事遐歷。僧房媚煙篆。笑語戀几席。陶謝安在哉。空山獨行迹。

絕句

高常有身不知名。款語春風入戶庭。百舌黃鸝方用事。汝音雖好復誰聽。

歸宗道中

朝日未出海。杖藜適松門。老樹暗絕壁。蕭條聞哀猿。迤邐轉谷口。悠悠見前村。農夫爭道來。聒聒更笑喧。數辰競一虛。邸店如雲屯。或攜布與楮。或驅鷄與犬。縱橫箕帚材。瑣細難具論。老翁主貿易。俯仰眾所尊。區區較尋尺。一一手自翻。得無筋力疲。兩鬢埋霜根。吾鄉東南會。百貨常源源。金環衣短後。羣奴列崑崙。通衢旅犀象。顛倒同籬藩。鮫綃與翡翠。觸目亦已繁。少壯供所役。耆年卧高軒。翁今處窮獨。未易聽我言。且當具鹽米。歸家飯兒孫。

秋江

赤葉楓林落酒旗。白沙洲渚夕陽微。數聲柔櫓蒼茫外。何處江村人夜歸。

秋日西園五首

日月更代顯。光華難並留。昔人尚行樂。俯仰無暫休。平居得君子。出處常相求。良辰援余臂。共作西園游。極目瞰平野。緬然見蒼洲。千林澹霽色。萬韻生涼秋。露華溥菊英。藹藹香可揉。參差間畦壟。芋粟森相儔。綠蔓無芳姿。碧花茂牽牛。低回矚籬落。樹影環清流。賞物志已諧。何用登蓬丘。山家無外營。超然閉幽室。蒲團北窓下。默坐終永日。炎景忽差池。涼颼動蕭瑟。中林多橘柚。粲粲垂華實。凭高試裴回。幽興遽超逸。雲霞散平岡。太白空際出。禽歸杳莫辨。積

翠鎖深蔚吁哉宇宙間。濩落竟一物。胡為市朝客。終歲浪
汨沒。翳吾樂餘生。勝事良可詰。放懷在冥冥。身世兩俱失。
嘗聞晉支遁。矯志歸沃洲。千載激清風。邈哉誰與儔。余今
雖不敏。萬事非身謀。竭來卧窮谷。未覺慙先脩。一法尚無
遺。何勞問三休。卷舒在至理。賞詠歸優游。採薇陟曾阿。濯
足依澗流。但驚桂花拆。詎識江漢秋。滄溟空汗漫。無意狎
羣鷗。

憶昔少壯時。意氣摩雲霓。游心黃卷間。豈顧白日西。由來
昧根本。旦旦從所迷。邇獨悟無為。文字如委泥。物生豈高
下。至道良自齊。青山遶吾廬。開戶衆鳥啼。曉日上喬木。秋
光媚回溪。畸人長往來。絕壁同攀躋。遐天淨若掃。曠目無
端倪。楚客一何苦。登臨獨悽悽。

秋山夜來雨

一

本自德道
合為一

至此

雲氣朝尚昏。禪庭

無來轍。但見落葉繁。石室暗燈火。天谷開霽痕。耳目思遠
適。曠然啓曾軒。長謠緩輕策。去去窮溪源。方塘灑清流。鳥
鴈靜不諠。時遭羲皇翁。容與諧笑言。邈然採真賞。歲宴誰
與論。

送琳上人還杭

聚水作一雨。多少近遠隨。所遭或霑枯。夢僅濡浹。或入巨
海成波濤。少林真風今百紀。悵惜至此何蕭條。喜君齊志
早寂寞。同我十載淪芻樵。含冲嗜漠不自厭。更欲刺口嘗
羣籛。師門祖席在在在。得此失彼良自嘲。竭來東南走千
里。但願刈楚蓬。翹翹蹠浮長川。不憚惡陟。彼巨嶽寧知勞。
誠專志苦若有所行。斷西壤逢英豪。金錫扣天玄。榘廓王

電激海明珠高。星霜因循共千日。誰爾使子先行包。湖山
蜿蜒湖水萬湖。上幽人想如昨。秋入芙蓉露已溥。曉捲簾
櫳暑初却。明明潭底見行雲。謾謾空中聞喚鶴。此景從來
吾已知。異鄉寧羨君先歸。由來出處元無隔。同看明朝日
上時。

臨平道中

風蒲獵獵弄輕柔。欲立蜻蜓不自由。五月臨平山下路。藕
花無數滿汀洲。

江上秋夜

雨暗蒼江晚未晴。井梧翻葉動秋聲。樓頭夜半風吹斷。月
在浮雲淺處明。

維王府園

與王元規承事同賦

一霎催花驟雨來。集芳堂下錦千堆。浪紅狂紫渾爭發。不
待商量細細開。
藹藹春空宿霧草。幽花揔要詩。

春晚

疊穎叢條翠欲藉。春風漫不收。
曉風池沼水翻花。如雪滿闌干。

邵伯道中

一道河流遠接。拂孤煙落日邊。

流午陰濃處。聽鳴鳩。兒童賭罷榆錢去。狼
翻春盡淮南麥。秀寒院落無人日。亭午柳
天雨行官柳。復蕭然。村春歷歷鳴何處。彷彿

回首山光古寺基。佛天寒木耿斜暉。孤撐漸與鍾聲遠，但見風帆竹外飛。

平山堂觀雨

午枕藜床夢忽驚。柳邊雷送雨如傾。蜀岡西望蕪城路，燭森森十里橫。

次韻少游學士送龔深之往金陵見王荆公

春風隨意可嬉娛。水有舟航陸有車。應笑楊雄未忘我，閉門猶著解嘲書。
夢幻皆輸古竺乾。功名何用吃燕然。羨君一棹江南去，碧薺時魚暮雨邊。
虎踞龍盤亦漫雄。城荒狐兔往來通。可人唯有秦淮月，出沒滔滔波浪中。

白下長干春霧披。家家桃李粲朝暉。懸知一見毗耶老，心地如灰不更飛。

次韻黃子理宣德田居四時

四序自逶迤。田園常局促。春陽旋東臯。迫我事鋤耨。出種曝籬根。驅牛飲溪曲。暉暉明朝陽。聒聒喧布穀。頽齡惜筋骸。曉睡謾云足。蓐食出柴門。荷篠赴幽谷。塞條視柔桑。密葉已舒綠。今年氣候早。膏雨厭霖霖。鄰翁時一來。耕耨每相屬。
離離小麥黃。習習南風度。桑棗暗蓬麻。耘鋤困朝暮。種瓜屋東隅。翠蔓已分布。黃花引疎籬。冉冉欲橫路。白水漫青秧。聯翩下鷗鷺。新絲換濁酒。肴藪羞薄具。掃洒聚比鄰。環坐蔭高樹。稚子羨贏餘。牽衣傷翁嫗。牛羊嶺外歸。落日林

梢去餉婦亦還家。笑言隔煙霧。
村落已徂暑。蚊蠅尚喧啾。衡門霽朝雨。茆竹歸新秋。機絲
迫鄰女。札札無停休。中田藹黃稼。爛熳如雲浮。綠蟻釀新
甕。嘉魴釣清流。瓦尊遲來客。禮數忘獻酬。三盃未肯辭。笑
語方綢繆。時平盜自隱。場圃無宵憂。兒孫漸束髮。婚嫁迫
所謀。欸曲從我言。歸途蹇淹留。林端有月色。相送前溪頭。
朔吹鳴高林。回塘冰已結。牛羊卧茅屋。原野暗飛雪。壯男
臂彫弓。短後事田獵。飢鷹一號呼。荒徑洒毛血。歸來誇意
氣。鄰舍呼飲啜。明朝過南山。更欲窮窟穴。寒爐然豆其。光
燄時起滅。布被擁嬌兒。從渠踏裂裂。老翁寢不寐。展轉念
鵝鴨。籬落易穿窬。狐狸恐驚發。

和龍直夫秘校細雨

細雨連阡陌。輕雲濕不飛。池寒鷗自卧。巢冷燕催歸。慘淡
疑沈樹。飄蕭忽近幃。簷花霑已久。稍欲墮人衣。
薄霧兼寒雨。凌晨靄未分。細宜池上見。清愛竹邊聞。斗帳
侵蘭夢。虛櫺逼蕙薰。晚來欣小霽。釣箔見疎雲。
傍砌飄纒斷。從風強更來。斑斑泣蛛網。浥浥汗江梅。薄日
光時漏。曾陰意未開。少陵心易感。詩句寫清哀。

次韻孫傅師龍圖游醴泉寺

楊林幾曲到城根。中有招提氣象昏。暝雀聚羣盤棟吻。老
藤垂蔓覆高垣。月生歸路無燈火。巷轉人家有笑言。却掩
吾廬還寂寞。冷風搖幔影翩翻。

東園

斜照明明射竹籬。桑陰翳翳麥蛾飛。蕭條一徑無來轍。時

見羸牛引犢歸。
曲渚回塘孰與期。杖藜終日自忘歸。隔林彷彿聞機杼。應
有人家在翠微。
雲峰缺處支筇立。溪溜聲中弄扇行。習習南風吹百草。幽
香知有蕙蘭生。

淮上

蘆梢向曉戰秋風。浦口寒潮尚未通。日出岸沙多細穴。白
蝦青蟹走無窮。
今夜沙頭月上遲。小螢零碎傷船飛。可憐光彩雖無限。何
似嬋娟一寸輝。
天濶陰雲低抱樹。沙寒鷗鷺欲親人。小航泊處誰家住。脩
竹疎花宛似春。

曉出土山

遠山脩竹曉參差。葉葉淅淅霜墜碧枝。日脚漸高風乍起。蕭
蕭恰似雨來時。

寄蔡彥規主簿

遠舍蒼煙晚更凝。隔簾新月未多明。棲鳥著樹無餘噪。老
檜吟風有細聲。客散愈憐真境好。定回猶覺幻身輕。可堪
俗子能知味。此語聊傳北郭生。

次韻太虛夜坐

古寺冬蕭瑟。天寒色更重。捲幃延素月。轉盼失流星。爐底
眠枯枿。窓根立凍瓶。談餘焚栢子。一燧小煙清。

廣陵城外野步呈羣老

林梢聒聒鳥聲繁。積雪初消澗水渾。老樹卧波寒影動。野

煙浮草夕陽昏。風回笛響。山前路。大吠人行竹外村。杖屨不知幽興。遠歸來。新月在柴門。

次韻朱伯收主簿觀雪

朝來密雪蔽天涯。坐目丘園發素華。初著敗梧驚擁腫。久霑庭竹見欹斜。水精不動垂千筴。雲母無聲落萬家。安得曾穹返收拾。莫教狼藉渾泥沙。陰風何事吼簷牙。夜半窓前變物華。夢斷只疑蟾影在。寒帷俄駭練光斜。若侵陋巷凌寒士。強入高樓媚酒家。霽後請看庭下草。蕙蘭含綠出晴沙。

次韻姜伯輝朝奉宿九曲池

當時樓閣已桑麻。陳迹何須置齒牙。宛轉頽城圍綠野。嶽峯孤塔背明霞。山雲度晚飛瓊葉。海月生秋墮桂花。圓嶠方壺同笑語。終宵疑在水仙家。

彭門書事寄少游

戲馬臺邊駐馬蹄。回廊曲院摠攀躋。秦郎前日曾來否。試拂凝塵覓舊題。

子瞻席上令歌舞者求詩戲以此贈

底事東山窈窕娘。不將幽夢囑襄王。禪心已作沾泥絮。肯逐春風上下狂。

次韻子瞻飯別

鈴閣追隨半月強。葵心菊蕊厭甘涼。身行異土老多病。路憶故山秋易荒。西去想難陪蜀芋。南來應得共吳薑。白雲出處元無定。只恐從風入帝鄉。

與曾逢原寺丞相別

落葉追奔卷地飛。淮流轉處楚山稀。君騎黃鶴朝天去。我
憶青松舊壑歸。道在不須驚契濶。情親聊用惜分違。崑居
祿隱都如夢。莫回秋風歎式微。

夜泊淮上復寄逢原

黃沙白草滿淮垠。逆旅蕭條息不禁。風約亂雲歸隴首。角
催明月出波心。槎頭湧處潮初上。斗柄移時夢未沉。遙想
故人投宿地。畫船應在碧榆林。

次韻順上人登壽寧閣

昔過廣陵日。茲樓亦盤桓。飛甍切星斗。鴻鵠爭危欄。恍若
隨扶搖。九萬直上搏。下視古帝基。蕭條空澗漫。當時競豪
華。人物鏤綺紈。孰謂千載後。故宮半耕殘。城西舊輦道。繚
繞猶屈盤。咫尺見瑩苑。枯桑生畫寒。閭閻豈復隘。狐兔穴

已寬。楚。楚。但喬木。萋萋無寸山。苟非壯士懷。往往不忍看。

青旗催畫角。回首送飛翰。

得

端叔淮上書

云長淮秋色清曠。順風揚船。恨不得與君俱之。

飛鴻從西來。有客遺我書。開緘識遠意。字字情有餘。報言
歷長淮。泛泛乘舳舻。天開濶遠霧。水碧涵空虛。超然忘端
倪。身世疑有無。徜徉極幽致。恨我失之俱。我昔與曾子。茲
游頗躊躇。風高當白帝。露冷凋紅葉。扁舟僅半月。歷覽窮
朝晡。伊人亦才華。俊逸千里駒。結交慕豪彥。個儻非迂儒。
當時欲相從。恨子隔滄溟。今朝子獨往。我輩還星疎。邂逅
亦有分。黃緣非強圖。落葉臨西風。俛首良自吁。庶幾有至
理。去彼形迹拘。相望雲漢間。皎潔同蟾蜍。

將之金陵寄侍琪服之秀才

金陵寄侍琪服之秀才

黃昏落 慨牛渚磯。蒼石岸，黯行人稀。漁燈夜深遠，近沒水
鳥月明。來去飛瓶盂，漸與南年湖。身世東去將焉爲。鍾山
咫尺行，可及會當與子同遨嬉。

子瞻赴守湖州 少游與余同載因游惠山覽唐處士
武陵寶暉朱宿詩追用其韻各賦

三首

山煙弄 滅沒。山木含葱蒼。刺舟倚遙岸，理桡升虛堂。周遭

矚曾嶽。矯矯如翱翔。下瞰平田流，澹然浮日光。青篛解初

籜，洗雨聞清香。雖云迫前塗，真賞豈易忘。

松門暗 朝雨寂歷無行人。隆曦忽穿漏，卉木蔚以新。塔泉

漱石齒，照眼光磷磷。史君美無度，卓犖遺鶯塵。風標傲竹

柏，談笑凌穹旻。何愧沈冥子，卧霞吞結鄰。

揚帆渡江來。洗眼驚翠樾，雲姿既容裔。鳥嘒更清絕，凌梯

訪前蹤。琬琰亦未滅，嗟我魚目光。疇能綴明月，狂墨掃琅
玕。風煙坐中發，殊勝區中人。茫茫走飛轍。

田居四時

原隰春風暖。池塘鴈北翔。曉耕雲塢潤，午飯野芹香。燕子

依茆棟，花枝過土墻。東阡與南陌，生事日皇皇。

五月梅爭熱。村村桑柘稀。茜裙蠶婦瘦，粉翅乳鵝肥。菱蔓

溢溪雨，藤花鎖釣磯。呼兒行採去，亭午候荆扉。

刈穫終吾事。田園日向閒。晚香增橘柚，潦水耗汀灣。聚噪

棲鴉定，孤吹牧豎還。兒童驚野燒，一片起前山。

汨汨防農霧。窮冬亦謾勞。茆簷催日午，籬落聽鷄號。臘近

還移竹，宵閒更索繒。春風歸早晚，行見事東皐。

夏日龍井書事

呈端才法師兼寄吳興蘇太守并秦
少游少游時在越

寺詩

十二

翠櫺高。蘿結晝陰。驕陽無地迫吾身。石崖細聽紅泉落。林
菓初嘗。碧柰新。揮麈已欣從惠遠。談經終恨少遺民。何時
暫著登山屐。來岸烏紗漉酒巾。
雨過千嶺爽氣新。孤懷日夜與誰鄰。風蟬故故頻移樹。山
月時時自近人。禮樂汝其攻我短。形骸吾已付天真。露華
漸冷飛蚊息。窓裏吟燈亦可親。
自憐多病畏炎曦。長夏投蹤此最宜。青石白沙含淺瀨。碧
梧蒼竹聒涼颺。雲中雞犬聽難辨。谷口漁樵問不知。斑杖
芒屨隨步遠。歸來幽火認茅茨。
謁來人外慰樓遲。谷遠山長萬事遺。好鳥未嘗吟俗韻。白
雲還解弄奇姿。藤花冉冉青當戶。竹色娟娟碧過籬。不羨
故人探禹穴。短檣孤榜逐漣漪。

秋日西湖

飛來雙鷺落寒汀。秋水無痕玉鏡清。疎蓼黃蘆宜掩映。沙
邊危立太分明。
欲跨高樓曠遠情。無端秋雨苦冥冥。呼喚日脚漏雲處。瞥
見遙山一抹青。
西風夜半捲庭槐。卧聽鄰翁曉圃開。稚子相呼入林去。應
知病果落莓苔。

與元規話別

湖水蒼茫四接天。短篷孤榜數回旋。想君東海東頭夢。猶
在汀洲白鳥邊。

春日雜興

城根野水綠透池。颺颺風船掠岸過。日暮蕙蘭無處採。渚

花汀草占春多。
雨闌中庭暖日浮。春禽百種聚喧啾。粉腰蜂子尤無賴。撓
遍花鬚未肯休。
去歲春風上苑行。爛窺紅紫壓平生。而今眼底無姚魏。浪
藥浮花賴問名。
梅梢青子大於錢。慚愧春光又一年。亭下無人初破睡。杜
鵲聲在柳花邊。

寄俞秀老清老二居士

風溪雲歟雪消初。鳥變春深滿屋除。安得故人同蠟屐。石
梁斜日看游魚。
落星江水接天流。花絮飛時暮雨收。波底鯉魚東去否。尺
書煩汝到揚州。

慚愧君家好弟兄。風流宜與晉人并。青鞋布襪能從我。共
入廬山深處行。

游徑山懷司馬仲才

柔桑蔽野麥初齊。布穀催耕雨一犁。略約時橫溪上下。蕎
薇間發水東西。重尋勝處追前賞。無復斯人手共攜。回首
春風增感慨。綿綿黃鳥更悲啼。

照閣奉陪辯才老師夜坐懷少游學士

猿鳥投林已寂然。芭蕉過雨小樓前。雲依絕壁中間破。月
自遙峰缺處圓。照坐不須紅蠟炬。可人唯有蕙爐烟。校酬
御府圖書客。疇昔還同此夜禪。

游茗溪道場山

東風吹雨過城闌。日照河堤柳映暎。兩檠差差搖燕尾。千

山漠漠散魚鱗長緣絕境關幽夢尚喜茲游及暮春蘭蕙未衰桃李在蜂喧鳥咽莫愁人

千頃廨院觀司馬才仲遺墨次韻

濛濛村雨暗村橋竹裏禽啼婆餅焦度谷勸聞車軋軋穿林愁聽馬蕭蕭細窺陳迹僧房靜默想風流鄙吝消浮魄沉魂今已矣無人爲作楚詞招

續許元裕夢中作

并序

許奉議失幼子甚慧方悲惱中卧於北窓下遂夢爲詩覺而記其兩句云未可病中驚老去會須花底喚春歸語甚美而元裕意其子他日必復生俾余續之

北窓支枕夢幽微隱隱神明發暗機未可病中驚老去會須花底喚春歸

春陰

浮雲易作雨無端未放春泥十日乾須信杏園憔悴煞從來花骨不禁寒

次韻東坡居士過嶺

一時遷客盡難堪二老高懷默自甘造物定知還嶺北暮年寧許喪天南安排拄杖尋廬阜斗藪征衣洗瘴嵐他日相逢長夜語殘燈飛燼落毵毵

觀宗室曹夫人畫

臨平山下藕花洲引官河一帶流雨棹風帆有無處筆端須與細冥搜

嘗許作臨平藕花圖

次韻楊翟尉資天選見寄

寓形宇宙間佚我方以老流光安足恃百歲同過鳥頃余

嬰網羅。文彩緣自表。自古山林人。何曾識機巧。但記寒窗
翁論心。秋月皎。黃香十年舊。學術參衆妙。虛懷養天和。宜
徇奔走闊。官居職事理。晨起何用早。桐陰滿西齋。叱吏供
灑掃。眷余東南來。野飯煮芹藻。先生既清尚。令尹亦高蹈。
相將古寺行。軟語頽晚照。公家有疇人。虛緣能自葆。卜築
嵩山陽。行當從結好。山中饒勝境。一覽未易了。何時命巾
車。共陟雲外嶠。翻愁筋力疲。不隨追勇跡。公詩擬南山。雄
拔千丈峭。形容遍天真。邂逅適其要。藩籬吾未窺。敢議窮
閭奧。

哭少游學士三首

江左有豪英。超曠世無倫。妙齡已速作。識造窮天人。儒林
老先生。相與爲友賓。客來叩治亂。聲聲披霜筠。波瀾與枝
葉。猶足誇後塵。青衫入仕初。十年爭扶輪。孤嘲可敵衆。志
鬱不得信。造物念流落。薦收付洪鈞。干將不許就。中畫如
有神。七年投炎荒。日與山鬼憐。妻孥各異土。相望同參辰。
秋風吹黃茅。八月瘴霧新。回車嬰重嶺。惛惛無與親。中原
尚杳隔。墳隴懷棘薪。淒涼渚水頭。魂逝歸無因。精爽竟了
了。挽章見情真。流傳到京闕。悲讀聞縉紳。斯人倘不亡。光
華國之珍。彼蒼未易曉。三歎鼻酸辛。

念子少年日。豪氣吞九州。讀書知奚奧。游刃無全牛。當時
所獻策。考致第一流。論高追賈誼。氣勝陵馬周。勝理非空
文。灼可資廟謀。危根易搖動。謂子不好脩。嗚呼一齊人。奈
彼衆楚咻。孔門餘四科。士豈一律求。區區事屠釣。崛起爲
公侯。數奇信有命。君亦志怨尤。平生所著書。字字鏗琳球。

子道決不泯。千載傳芳猷。

瓶盂客京口。彷彿熙寧末。君方駕扁舟。歸來自茗雪。中冷

忽相值。傾蓋忘楚越。禪揮龐老鋒。辯鼓子貢舌。連宵極名

談。江閣倚清絕。扣檻出竈器。時取一笑發。金山江中多竈

常以邦溝分淮海。濟濟多俊傑。良辰苦招要。結好從此設。

堂堂紫髯翁。道德冠前列。謂孫莘老風流廣文先。炯炯事修

潔。謂關求仁禪魁藁林冠。蓋超雜選。謂慶顯三豪相繼往。

墓木榮屢脫。子今復云亡。枯槁愈殘缺。相逢舊好間。悲詫

那忍說。明年東下船。繫纜竹西川。茗奠蜀岡南。彈指當永

寄王晉卿都尉

主第耽耽冠北城。位居侯伯固尊榮。方將踏月趨朝脚。乘

伴穿雲渡水行。池上紅蕖應漸老。山中紫筍尚抽萌。崧陽

迤邐川原勝。聞說宅時卜釣耕。

與田承君宗丞話舊

赤口下西谷。松門斂餘暉。蕭蕭征馬鳴。客子來者誰。故人

田子方。六月并州歸。崎嶇千里道。問子來何為。君命不埃

駕。詎敢辭炎曦。禪庭梵唄歇。軟語同逶迤。梧桐挂涼月。清

潤含裳衣。人生實萍梗。同附一渺瀰。驚風或暫先。波定還

相依。昔我在南兗。識君英妙時。軒軒勇氣節。凜凜如熊羆。

聲名固已早。時命殊淹遲。今茲向魏闕。驥足將騰夷。聖君

隆至治。諫諍求瑕眚。嘗聞至人語。子可補拾遺。一言開堯

聰。四海風俗移。無為出重失。蹇諤當自持。贈言古者事。吾

送王彥齡承務還河內

武陵王郎高韻度。鞍馬四方無定住。眼逢泉石便吟哦。咳唾珠璣不論數。我亦悠悠事不羈。浪萍風梗隨安之。少室山前古蘭若。邂逅便與同襟期。興來岸憤一長嘯。清聲激越穿雲嶠。竹林故事獨未泯。人物如君獨高調。秋風獵獵促鳴蟬。歸路千山入馬鞭。白袍烏袖宜圖畫。不羨襄陽孟浩然。

題宗室公震防禦畫後

錯莫江雲結暝陰。歸飛宿翼半浮沉。豪端領略無遺種。想見雍容物外心。蒹葭照雪含餘潤。古木攙天氣老成。山谷不來居士死。何入爲子一題評。

次韻李端叔題孔方平書齋壁

萬事年來卽罷休。心繁雲水尚追求。草堂早晚投君宿。紙帳蒲團不用收。愛君簷外蕭蕭竹。翠翰扶疎一樣齊。莫道此君無俯仰。驚風墜雪亦須低。端居終日少逢迎。佳客時來一座傾。不見諸郎事絃管。幽窓唯有讀書聲。

同韓子蒼遊黃山觀約高壽朋張公碩不至

駝裘躍馬去翩翩。一舍逡巡箭脫弦。仙事未須窮傳記。勝遊聊爲好山川。穿林絡石驚寒溜。繚白縈青對篆煙。惆悵能文二三子。操觚安得共周旋。

哭休上人

從來疑造物無處識其真好月難終名花不盡春青燈
空照室白艷謾遺巾泣血憐慈母悲酸動四鄰

次韻孔天瑞秀才見寄

雙溪秋色最關情想見登臨爽氣生木落草枯山自瘦潦
收沙白水偏明眼中舊事煙雲散篋裏新書早晚成來歲
如今好時節看君高步躡鵬程

寄伯言明發

御城東畔聽鳴珂公子當年爲我過論議凜然無兩可文
章妙絕具三多情親意合方傾倒雲散風流欲奈何倘附
南鴻寄消息吾今蹤跡悶崑阿

次韻才仲山行

幕府文書一掃空何妨行樂醉春風想聞笑詔千山外正
在煙雲萬疊中弄日鳥聲喧細碎照溪花影靜玲瓏苦吟
只恐凋肝腎夫子還宜少黜聰

石門詩鈔

九二

惠洪字覺範江西新昌喻氏試經得度以冒故惠洪牒
責還俗張商英特奏度之郭天信奏賜寶覺圓明禪師
政和初坐交張郭配崖州赦還又以張懷素黨繫獄因
商英誤也旋釋建炎二年示寂同安五燈會元作彭氏
天信爲天民賜號在寂後皆非詩雄健振蹕爲宋僧之冠

謁狄梁公廟

九江渡精天氣勢必東下萬山勒回之到此竟傾瀉如公
廷諍時一快那顧藉君看洗日光正色甚閒暇使唐不敢
周誰復如公者古祠蒼煙根碧草上屋瓦我來春雨餘瞻
嘆香火罷一讀老范碑頓塵看奔馬斯文如貫珠字字光
照夜整帆更遲留風正不忍挂

謁蔡州顏公祠堂

開元天寶政多暇。孽臣姦驕濁清化。尺八橫吹入醉鄉。國柄倒持與人把。漁陽番將易漢官。在廷之臣無諫者。吳綾蜀錦光照眼。更覺霓裳韻和雅。叛書夜到華清宮。符呂骨驚天子訝。二十四城陷同日。長嗟乃爾忠臣寡。開傳平原城壁堅。穴鼻可以牯牛馬。譬如滴預屹中流。江勢遠來波倒射。吾知守職事主耳。行藏初不較用捨。公時風姿入睿想。貫日精誠震天下。我行上蔡黃犬門。驚風急雪吹平野。嬌鶻暮集村不躡。古祠窈窕連桑柘。聖朝亦旌異代忠。軒然眉鬚入圖畫。和如戲泚廬杞題。儼若夢令希烈怕。至今握拳透爪地。想見怒詞猶慢罵。聲光自與日月爭。事之成敗其天也。此詩我欲掃東壁。入字端宜擘窠寫。便覺雲收六合陰。春隨喜色生晴野。

題李愬畫像

淮陰北面師廣武。其氣豈止吞項羽。君得李祐不肖誅。便知元濟在掌股。羊公德化行悍夫。卧鼓不戰良驕吳。公方沈鷲諸將底。又笑元濟無頭顱。雪中行師等兒戲。夜取蔡州藏袖裏。遠人信宿猶未知。大類西平擊朱泚。錦袍玉帶仍父風。挂願長劍大梁公。君看韃纛見丞相。此意與天相始終。

同景莊游浯溪讀中興碑

上皇御天功最盛。生民溫飽卧安枕。醉凭艷姬一笑適。薄夫議之無乃甚。長安遮天胡騎塵。潼關戰血深没人。哥舒臣賊不足惜。要鬻國忠如膾鱗。蒼黃去國食不暇。馬嵬賜死謝天下。反身罪已成湯心。奈何猶有譏之者。取非其子

又遽忽。靈武君臣無忤容。何須嗚咽讓袞服。自控歸鞍八
尺龍。誰磨石壁湘江上。楷拭雲煙濺驚浪。龍蛇飛動忠義
詞。顏元色莊儼相向。與君來游秋滿眼。閒行古寺西風晚。
道人與廢了不知。但見游人來讀碑。

同超然無塵飯栢林寺分題得栢字

沙村宿雨餘。炊煙淡寒色。山墟蠶市休。野飯漁舟隔。忽逢
柳際門。知有道人宅。扣扉山答響。童子出迎客。空庭竟何
有。凍死千歲栢。鐘鳴食時至。老僧揖就席。香杭定宿春。露
葵應曉摘。羗飢一飯美。何啻萬錢值。風軒納山翠。引手捫
石壁。愛此玉崔嵬。歲久自崩折。下有洄渦泉。甘涼冰齒頰。
勿輕一脉微。去漲萬頃澤。吾行無疾徐。住佳去亦得。欲收
有聲畫。絕景爲摹刻。興來勿復緩。轉顧成陳迹。

大雪戲招耶溪先生鄒元佐

昨夜顛風吹裂石。曉來雪片大如席。耶溪先生醉不知。擁
絮雷霆喧鼻息。癡奴搥門呼不應。但聞含糊語阿此。先生
行世如行川。虛舟觸人無怨言。逢人覓錢卽沽酒。得錢不
謝猶傲然。我欲看君墮憤醉。便覺雨頰微渦旋。款段自能
馱醉起。歸路逆風吹凍耳。入門兒女啼飢寒。睜目瞠然作
直視。

贈蔡儒效

我家與君鄰屋居。君昔未生先長我。君髮齊眉我總角。竹
居讀書供日課。君誦盤庚如注瓶。我讀孝經如轉磨。長老
奇君王佐才。拭目顛顛觀長大。十三環坐同賦詩。出語已
能驚怯懦。風雷繞紙成千篇。棄遺不惜如零唾。神思義表

文融明清絕如珠不受玷江左相傳紙價增東坡一讀不
復和懷高識遠不可屈功成回首破甑墮家貧口衆難自
安出圖斗粟充飢餓鬧聞筆陣掃萬人上國英雄膽先破
殿前作賦聲摩空盛名四海爭掀播華裾如葱馬如龍九
衢突若流星過我經憂患早衰微生怕虛名招實禍方衣
童首住江村飽飯愛尋閒處臥睡餘信手摸書看會意起
來行復坐林泉成趣亦題詩年來藁帙成堆塚仙郎開卷
面發光誇我雄詞驚李賀相期他日同此遊先買鄰庵山
數朶青松白石聞此言共作廬山二十箇

豆粥

出碓新舂明玉粒落叢小豆穢葉赤井花洗杭勿去其沙
瓶煮豆須彌日五更鍋面漚起滅秋沼隆隆疎雨集急除
烈焰看徐攪豆才亦趁洄渦入須臾大杓傳淨甕浪寒不
興色如粟食餘偏稱地爐眠白灰紅火光濛密金谷賓朋
怪咄嗟萋亭君臣相記憶我今萬事不知他但覺銅瓶蚯蚓
泣

汪履道家觀所蓄煙雨蘆鴻圖

西湖漠漠生煙雨浦浦圓沙鳧雁聚今日高堂素壁間忽
見西湖最西浦翩翩兩雁方欲下數隻飄然掠波去獨餘
一隻方穩眠有夢不成亦驚覺蕭梢碧蘆秋葉赤青沙白
石紛無數我本江湖不繫舟爾輩况亦江湖侶令人便欲
尋詹郎呼船深入龍山場

蘇子平汪履道試李潘壘

南陽國師古禪伯玉殿以碁聊戲客客雖四海碁絕倫我

解兩套俱用黑。待臣大驚帝微笑。客亦袖手吁莫測。黑中
優劣自能分。正是蘇汪今試墨。老潘氣韻凌阿寬。二李不
平有矜色。坐令好事劾舍郎。瞠視無言受巾幘。我非南陽
不能辨。以手捫頭空嘆息。徑當相攜詣警吏。夜半一辨須
明白。

送雷從龍見宣守并序

韓子蒼少時從雷從龍先生游。子蒼已入館。而從龍尚
高卧廬山之下。六喪未葬。特詣宣城謁知府舍人劉公
袞。公袞僉判在府中。作此詩送之。

子蒼布衣。昨日脫。今日便校秘閣書。勿驚韓雷相隱顯。今
來古孫名姓俱。君看守道已華國。先生徂徠猶把鉏。嗟君
六喪寄空館。富人滿前那可棟。壞衣懸鶉無一錢。想像郭
公四十萬。青雲故人氣如春。解令寒谷生和珍。江浦買舟
春水生。片帆何日到宣城。府中若見空青老。從渠爲覓詩
道藁。

予在龍安木蛇庵除夕微雪及辰未消作詩記之
二首

終夕不自寐。老逐客愁長。寒威正折綿。歸夢不成往。蕭蕭
聞打窓。氣勢頗春撞。地爐對殘缸。瓦溝集清響。起看雪覆
砌。秀色動屏帳。歸來簷溜滴。生席初未。乃知春草微已
出。巖凝上。但餘簷蔔林。落花和月賞。

元朝喜見雪。一室譁少長。新年方下車。故歲已長往。和詩
如奕棋。時時作頭撞。知誰徑尋我。東牆屐齒響。正當穩靠
蒲。移几就紙帳。宿硯已生水。呵筆藉和。一片忽飛來。墮

我詩卷上為置石鼎烹茗飲聊同賞

龍安送宗上人游東吳

淮水送君春雨餘。刺舟斷岸歸匡廬。江南別我秋天遠。輕囊瘦策游西湖。君去復來如社燕。我獨留滯如賈胡。牽衣覓詩亦不惡。怪君見戲忘髭須。平生千偈風雨快。約束萬象如驅奴。飢來一字不堪煮。乃知弄筆輸耕鋤。不如尋我舊遊處。武林清境天下無。耐清不得却來此。作詩送君遊上都。

送充上人謁南山源禪師

老源縛屋磯山側。廬山對門江水隔。單丁住山二十年。一等栽田博飯喫。諸方說禪如紡車。我口鈍遲無氣力。屋頭枯木自安禪。生鐵脊梁釘樁直。我昔東游曾見之。兩頰濕然笑。渦出到今持夢渡楊瀾。浪花漫天浩無極。紛紛衲子飽眠臥。面如梔子衣領白。年年江北與江南。誰肯端來尋此客。愛君今人肺腸古。毛骨含秋眼睛碧。能知此老端往尋處處。好山留不得。作詩贈君終自愧。君去我留空歎息。

至豐家市讀商老詩次韻

楊柳護橋春欲暗。山茶出屋人未知。冒田泱泱走流水。小夫鏟膝翁夾籬。雪晴春巷生青草。煙濕人家營晚炊。心疑欄川摩詰畫。目誦匡山商老詩。夜投村店想清境。蛙滿四隣簷月移。卧看孤燈心耿耿。呼童覓紙聊記之。

送覺海大師還廬陵省親

老蹤滄海珠。道價壓千古。莫年還東吳。豈不以親故。世衰道陵夷。學者例頑魯。處處如塵沙。紛然不容數。但誇謝公

子乃翁墮江渚。坐令乳臭見高論。不少懼。安知覆魚舟。甚
媿編蒲履。大師京國來。秀色見眉宇。笑談出流輩。亦自有
佳處。懷親不能休。飲食忘匙箸。醉翁鄉里賢。安角誦翁語。
人老尚康健。春寒與秋暑。念之凭高樓。白雲入瞻顧。浩然
有歸興。掣肘徑馳去。遙知到螺江。杜林聞布穀。迎門一調
笑。謹極但摩拊。童頭想懷橘。衣襟應戲舞。聊用慰其心。高
追古人步。此詩語散緩。細讀有奇趣。譬如食橄欖。入口便
酸苦。勿示癡道人。被罵吾累汝。

仇彥和佐邑崇仁有白蓮雙葩並幹芝草叢生於縣
齋之旁作堂名曰瑞應且求詩敬為賦之

宰肉社樹陰。豈無天下志。用材樸楔間。已有經綸意。欲觀
臨大事。必自小者耳。彭侯偉傑姿。要是千乘器。小邑試牛
刀。不滿一笑喟。仇亦何所為。睡足時隱几。原多歲夜耕。門
有畫眠吏。三年愛等母。百里平如水。致化不自知。草木發
奇瑞。論人或多舛。唯天不容僞。耿泉豈知忠。元乳豈知義。
應之捷影響。物有固然理。此堂濕青紅。賓從時畢至。應為
文字飲。視席生佳氣。

華裾釋吏民。起獻觴。願酬太平醉。

夏日西園

晚庭一霎過。暑雨高林相應。山蟬鳴。南窓夢斷。意索寞。牀
頭書卷空縱橫。疏畦日涉已成趣。起來扶杖園中行。葵英
豆莢小堪摘。矮榆高柳陰初成。野禽啄果時落地。池塘蓋
水新荷平。歸來西屋斜陽在。原舍尚聞春籟聲。

夏日陪楊邦基彭忠禹訪德莊烹茶分韻得嘉字

炎炎三伏過中伏。秋光先到幽人家。閉門積雨蘚封徑。寒
塘白蕖晴開花。吾儕酷愛真樂妙。笑談相對興無涯。山童
解烹蠃眼湯。先生自試鷹爪芽。清香玉乳沃詩脾。揮紙落
筆驚龍蛇。源長浩與春漲激。力健清將秋氣嘉。須臾沓幅
亂書几。環觀朗誦交驚誇。一聲漁笛意不盡。夕陽歸去還
西斜。

慶長出仲宣詩語意有及者作此寄之

我有忘年生。氣韻亦秀拔。豈惟有詩癖。亦醉凌波鞵。平生
慎許可。期期不忍發。但餘說仲宣。十常在七八。袖中出清
詩。韻字清到骨。遙知亦說我。喜氣見鬚髮。相息一水間。楚
岫出毫末。昨夜西風高。凭欄暮天濶。識君定何時。目送孤
鴻沒。

送慶長兼簡仲宣

君詩秀氣終不沒。長吉精神義山骨。諸公貴人亦識面。想
見宗之雙鬚綠。嗟予棄置卧空山。索寞何人着眼看。高軒
一日官過我。誇聲萬口鋒刃攢。當時見君喜不徹。喜中便
知有此別。秋風雲帆十幅開。石城浩蕩天水接。淮南不獨
江山勝。國士英才從古盛。期與高人馮仲宣。小字同聯寄
我篇。

李德修以烏蘭河石見示

予友李德修。少豪逸。有美才。工文章。一時輩流推之。聲
稱著場屋。紹聖初。遷於廣文。至禮部。好惡不合。有司棄
去。游邊。往來蘭會甚久。晚屏跡田園。然視其氣貌。精特
功名一念未置也。政和七年上元前四日。過予袖中出

美石一掬大小二十八枚有紅青碧綠色細視之有旋
螺紋如人指紋以誇予曰吾嘗與諸將至古烏蘭大河
河中有洲隣夏國此石得於大河洲中其爲我賦之予
爲大笑曰君同時輩流皆踐清華爲顯仕躍馬食肉久
矣獨從予山中食脫粟玩朽石不亦大迂濶哉然德修
以予言爲非作詩以還其石

烏蘭洲寒夏國口大河天來箭激溜排空但聞地啾吼
勢撞石壁欲穿透石堅捍之不肖受顛雷濺雪喧夜晝千
年石骨亦不朽碎爲青紅雜怪醜疆場久空爛甲冑舉觴天
子千萬壽李侯橫梨千騎後望雲賦詩劒礙肘徐涉河流
馬俯駛下馬得之等瓊玖萬里來歸亦何有出以示我爲
拊手笑君兒嬉忘白首李侯氣如春在柳大河西虜置懷
袖君徒自珍世不售敲門那能易升斗功名偶然夢豈久
道人乃爾自薄厚此石笑汝汝慚否

南昌重會汪彥章

彥章退然才中人譏訶唾笑皆奇偉看君落筆挾風雷
渙然行文風行水坐令前輩作九原子固精神老坡氣
儒生寒酸不上眼此郎要是天下士嗟予生計等飛鳥
翩翩吳頭復楚尾去年興發看京華笑傲清狂人背指
君獨折簡坐致我迎門歡笑自挈履舊聞牛鳴馬不仰
女逐臭夫那有理今年黃花南浦岸忽然見君失聲喜
僧房借榻營夜語燈火照人如夢寐懷中卿相且袖手
翰墨風流聊戲耳行看上書苦塊中凜凜范公只君是

秀江逢石門微上人將北行乞食而予方南遊衡嶽

作此送之

筠袁唇齒邦。一水連清碧。朝行筠溪邊。暮見秀江色。忽聞見童音。乃知身是客。獨歸江上寺。杖笠倚空壁。犀顛會四海。香火自朝夕。相逢作熟視。面數心莫識。但記石門時。笑頰清光溢。驚定喜失聲。卒語成小立。是時夜氣清。隙月金蛇擲。念君當北行。鉢飯從誰乞。我雖能少留。秋燕社已逼。一懽偶然耳。分首成陳迹。他年何處逢。話此空歎息。

福巖寺夢訪廓然於龍山路中見之

山高夜氣摧。煩暑竹風爲。作南軒雨。夢隨柔櫓到西典。艤舟步入龍山塲。蕭蕭松下逢。睿郎問信遠。來亦良苦。覺來但記談笑懽。不省懽時。竟何語。卧看篝燈一點明。嶺海茫茫。隔吳楚。安得却如清夢中。杖履追隨長爾汝。

乾上人會余長沙

兀坐息歸不舉頭。窓風爲我翻書葉。衆中間語認鄉里。便覺石門寒疊疊。雲安已作白塔新。當眼風枝心欲折。道人叢林十年舊。古寺青燈夜相接。失聲方欲問江南。忽憶去年淮上別。逃空楚然聞足音。見子令人解愁結。地爐火冷霜月苦。一室誼譚終暖熱。湘山破曉立傳停。秀抹鉛華餘積雪。故應山亦爲余喜。隔岸遙看圓笑靨。千巖佳處可同游。明日波晴當理楫。

魯直弟稚川作屋峰頂名雲集

只今海上青石牛。曾卧天子黃金屋。下看朱紫如堵牆。上前諸公遭抵觸。眼高四海鏡面空。潛山歸來中一幅。慚愧君家小馮君。自是河東真鸞鷲。文章五色體自然。秋水精

神出眉目人間不識但聞名水非醴泉石非玉江南一峰
獨高寒時時笑語雲間宿弟兄出處兩相高故作雲裏對
山谷

遇如無象於石霜如與睿廓然相好故贈之

西湖睿郎最高道思之不已令人老道人相逢吳楚間聞
說絕與睿郎好年來學富身轉貧豈特詩膽大於身法朋
半是奇逸者我亦放浪無羈人霜威折綿寒入頰長廊無
人風卷葉寒窓誦讀夏日吟和氣坐令寒妥貼筆端解語
敏於口網牋時作龍蛇走煩君清哦當少休萬象乞憐爭
叩頭

石霜見東吳誠上人

我尋流水行忽入霜華谷山陰見幽人日帶湖山綠語溫

如春風韻秀自拔俗暗驚枯木堂栖此一枝玉遙知夜窓
深雪響亂脩竹寶書掩殘缸佳眠正清熟逸想在西興清
夢不吝逐覺來念行處小詩欲收錄詩成寫烏絲銀鈎奪
人目斐儿著牙籤興來還自讀

洽陽何退翁謫長沙會宿龍興息歸戲之

何郎西州來逸氣掃秋晚平生貯書腹中有文武膽材如
駱賓王其直亦不減上書論國事忌諱失料揀居然爲逐
客安免投手板世方例皮相我亦作白眼閉門古寺中一
榻聊醫懶邇來偶病渴意緒覺蕭散頗懷當墟人楚岫屢
欲鐘我從山中來攜被夜假館地爐擁紅金妙語容細款
凜然忠義氣不肖受盤縮正恐復一吐與民作溫暖坐覺
舟楫走歲月不可挽人生一夢耳勿作鏡中歎何當結後

期相攜游汗漫

次韻道林會規方外

湘山半夜雨。斷我西湖夢。卧看讀書燈。花作扶頭重。曉窓晴潑眼。倒桂聞久鳳。起尋殿寒梅。小立幽香噴。柳絲不勝綰。筭庭春脉動。春色已如許。樂事非一種。平生所懷人。忽此笑語共。雲軒爲誰停。危坐山衲擁。眼高空叢林。志大骨森聳。開懷見赤心。齋齋飽談誦。坐客鶴腦側。我亦快心孔。袖中出新詩。筆力發豪縱。風日麗醇醲。黃泥初搗甕。古根有滄海。潮辯自掀湧。何當橫枯藤。齒鏃追兩本。吾宗欲顛覆。支者例闡茸。君能爲我起。逸足王良控。我詩如石田。疏理終無用。朝來強鉏墾。秃筆時呵凍。摩挲銅鑠腹。博君一笑棒。

臨川康樂亭碾茶觀女優撥琵琶坐客索詩

小槽橫棒梳粧薄。綠羅縮帶仍斜搭。十指纖纖葱乍剝。紫燕飛翻初弄撥。梨園曲調皆品匱。斂容却復停時霎。日烘花底光似潑。嬌鶯得暖歌唇滑。圓吭相應啼恰恰。須臾急變花十八。玉盤蔌蔌珠璣撒。坐客漸欲身離榻。裂帛一聲催合殺。玉容嬌困撥仍插。雪梅一枝初破臘。

洪玉父赴官潁川會金陵

迂疎世不要。冷落眠山寺。空山斷往還。落花自流水。平生所懷人。那料千里至。懽極看屋梁。通夕不成寐。曉從城郭來。山亦爲余喜。登門見眉須。已覺增爽氣。淇徐皆人龍。議論例英偉。君於二老間。妙語發溫粹。胡爲下僚中。混此萬乘器。攝衣願從君。舉步懼推鄙。安知出愛忘。劇談略勢位。

便欲攜與東。載我以船尾。予生分奇寒。事事得敗意。獨於天下豪。未識已神契。天公亦見憐。以此厚我耳。西湖今古勝。前輩風流地。風月久乾沒。畫舫誰料理。行當入君手。想見飽風味。不得陪清游。起坐終夜喟。定有湖上詩。無辭遠相寄。

珪粹中與超然遊舊超然數言其俊雅除夕見於西

興喜而贈之

蜀客快劇談。風味出譏誚。眾中聞巴音。必往就一笑。道人西州來。風度又高妙。吾家長頭郎。高蹈萬物表。平生少推可。說子不知了。吾初意魁梧。一見殊短小。篝燈欵夜語。每犯吾料貌。和華林風氣。爽霜天曉。坐令岑寂中。絕塵追騶襲。君看顯與訥。出蜀亦同調。竟如眾星月。聲光潑雲嶠。子亦當加鞭。歲月一過鳥。

御手委廉訪。守貳監勘釗。慶裕二十三日復。收入禁

將入獄。憂無人供飯。有銀一兩錢六百。以付來勝甫。勝甫曰。此正可辦半月。過此如何。余默計曰。有

官飯耳。

出獄未兩月。單身寄孤館。別醜容。搭餽酬。以滌椀盞。那知復入獄。親舊無半眼。但餘半月糧。何以供歲晏。摩挲沒柄杓。准擬喫官飯。來生空斂眉。其室亦喟歎。叢林明白老。寰宇洪覺範。所至神物護。爾輩見不慣。我說此偈已。萬象俱稱贊。

與黃六雷三

我覓應傭者。忽得黃與雷。結束頗精悍。拱喏駭吾儕。從余

今幾日。臨事見肺懷。立身守忠直。勿自無疑猜。爲奴不欺主。乃是廊廟材。何必弄筆語。然後爲賢哉。紛紛貴與賤。百年同一杯。強擔坐亦汝。萬事付浮埃。

大圓庵主以九祖畫像遺作此謝之

大圓庵中亦何有。但有草座枯藤枝。朝來壁間亦圖畫。何從貌此寧馨兒。髮光抹漆膚琢玉。坐睡俛然方柱頤。當時兩脚不肖舉。今雖有口如當時。知誰逸想寓此意。必也高人非畫師。我遭俗填坐多語。坐客厭處終不疑。與來曳杖出門去。路窮回反無澗谿。見之心忤有愧色。君以贈我聊鍼之。亦知褊心當服華。命車何必先鋒爲。從今靖然痛堅捍。正恐習氣時決隄。細看忽憶孔北海。曾讀曹瞞禁酒詞。

懷忠子

昏花委篝燈。夜雨集梧井。空房嚙飢鼠。壞壁咽寒蚓。有生獨多艱。念極淚殷枕。親朋勢宜絕。醜惡諱聞聽。棄遺等苦李。零落如斷梗。忠也新數面。義已到勿頸。願留廣推擠。守護輕軀命。逐臭寧有理。嗜痴亦天性。人情骨肉離。道義燕秦并。相逢百憂中。如熱啜甘冷。氣清秋潑山。韻勝月夕鏡。何時一丘貉。攜子脫塵境。風林作清齋。追步千峰頂。

瑜上人自靈石來求鳴玉軒詩會予斷作語復決隄

作一首

道人去我久。書問且不數。聞余竄南荒。驚悸日枯削。安知跨大海。往反如入郭。譬如人弄潮。覆却甚自若。苟多聚觀者。縮頭膽爲落。僻居少過從。閒庭墮鬪雀。手倦失輕紉。扣門誰剝啄。開關忽見之。但覺瘦矍鑠。立談慰良苦。兀坐叙

契濶誰持稻田衣。包此剪翎鶴。遠來殊可念。此意重山嶽。
惘惘見無華。語論出稜角。爲余三日留。頗覺解寂寞。忽然
欲歸去。破械不容捉。想見歷千峰。細路如遺索。相尋固自
佳。乞詩亦不惡。而余病多語。方以默爲藥。寄聲靈石山。詩
當替余作。便覺鳴玉軒。跳波驚夜壑。

追和帛道猷一首 并序

山陰帛道猷詩寄道一。有相招之意。曰連峰數千里。修
竹帶平津。雲過遠山巒。風來梗荒榛。茅茨隱不見。鷄鳴
知有人。閑步踐其徑。處處見遺薪。始知百世下。亦有上
皇民。政和六年正月十日。余已定居九峰。而超然輩皆
在。已無所羨。特味猷詩。追繼其韻。使諸子和之。

永懷山陰老。激流味餘津。幽尋見蘭叢。蒼然出荆榛。便欲

卽之語。忘其千歲人。歸休正吾志。理順如析薪。夜春博飯
喫。猶勝海南民。

次韻公弱寄胡強仲

念昔謫海南。路塵吹瘴風。未卽棄溝壑。尚在捨索中。親朋
半天下。萬里不一逢。髯胡豈有罪。乃肯與我同情親。等昆
弟。使令惟西東。時爲解我語。道大自不容。邵陽雨中別。涕
淚落無從。我伴有形影。渠歸無僕僮。三年鍛百巧。遂成瘖
與聾。今日復何日。獄寺聞樓鐘。聚觀迎萬指。登眺排千峰。
黃泉天復見。白骨肉已重。髯雖未對面。音問已喜通。夫子
佐峒巖。有道如葛洪。筆力扛九鼎。奇語出遽忽。長篇春爭
麗。送我歸新豐。且約老南嶽。幅巾追瘦筇。拊手輒大笑。此
計隨虛空。山林當付我。君事侯與公。麒麟未易系。健鶻那

可籠

次韻天錫提舉

攜僧登芙蓉。想見綠雲徑。天風吹笑語。響落千巖靜。戲爲
有聲畫。畫此笑時興。夙習嗟未徐。爲君起深定。蜜漬白芽
薑。辣在那。改性南歸亦何有。自負蘆圖柄。舊居懸水石。
室如仄磬。行當洗過惡。佛祖重飯命。念君別時語。皎月破
昏暝。蠅頭錄君詩。有懷時一詠。

送文中北還

瘴海夜成焰。鬼關晝常陰。柵廬餘百家。間見柳子林。居人
例。惟警豹狼而衣襟。語言不可讀。冥目以意尋。居然不可
解。欲問返如瘖。君持使者節。風彩動雲岑。軒渠笑時語。萬
籟轉笙琴。余方卧園土。跼然欣足音。相逢春脫手。歸意不
可檢。便覺暮雨山。掃空煙翠深。袍袴洗羊負。項背逃芒針。
乃爾徑去亟。翩翩出籠禽。津渡已擗鼓。高帆摩天心。行矣
勿作惡。萬事付醉吟。當會西林下。相對說如今。

次韻彭子長僉判二首

我窮親舊絕。君來始天遣。度關一句剄。不撥機自轉。令人
意頽然。益如醉黎衍。黎人謂飲酒爲衍也。新詩麗吳姬。霧鬢風前卷。
細看發豪放。川犇驚地喘。才高那可如。默念耳自反。不禁
數餘年。三眠蠶欲繭。思君誰與同。月度微雲淺。
愁如羊公鶴。毳毳費推遣。心如旋磨驢。日夜團圞轉。夫子
爲譏訶。譬說頗蔓衍。愁心得少休。忽作象鼻卷。出門無所
詰。地坐息疲喘。路窮輒一笑。興盡復回反。風光聞布穀。人
家初煮繭。倚藤望九峰。層疊分濃淺。

食菜羹示何道士

窮冬海道絕。瘴雨晴墟里。何以知歲豐。未卯炊煙起。先生清夢同。科髻方隱几。獠奴拾墮薪。發爨羹諸米。飽霜澗葉菘。近水繁花薺。都盧深注湯。米爛菜自美。椎門醉道士。一笑欲染指。誠勿加酸鹹。云恐壞至味。分嘗果超絕。玉糝那可比。鮮肥增惡欲。腥膻耗道氣。畢生啜此羹。自可老僇耳。錄以寄徐聞阿。同應笑喜。

餽歲次東坡韻寄思禹兄

我來客湘江。獨泛無人佐。封疆接南越。都會列百貨。方嗟歲除矣。仍喜此月大。息歸姑置之。且枕曲肱卧。餽問亦未能。起看燈照座。念貧米無春。笑富粉轉磨。二者分劣優。等是一年過。唯有東坡翁。作詩今續和。

仙廬同吳中阿祐忠禪山行

好山不知源。勝處藏疊嶂。興來理清游。意適爭勇往。事異傾同謀。顧語山答響。野泉行淺沙。脫屣屢植杖。相羊木陰下。喘坐清相向。阿祐華林風。媚秀得妍狀。忠禪等鵠清。精神照冰段。住山異比丘。韻出羲皇上。風度太清癯。吐語極豪放。撥置形骸外。卸被藉草莽。獨余衰退姿。面色餘煙瘴。勝處獲陪茲。樂非夙望。一笑粲妍鄙。散坐推少長。媿無斜川詩。苦語出牽強。讀之輒自羞。幸君一拊掌。

戲廓然

久不對睿語。便覺牙頰強。獨行谿山間。清鵠失羣伴。溫軟聞吳音。琴翻忽東向。試問識睿否。客曰甚無恙。但遭呂吳興。拽手不少放。欲使開笑齒。說法人天上。掉頭掣肘去。不

顧西興。浪登舟。翻然行。萬衆皆目斷。平生勇於道。氣韻真。
邁往安。月逐兒輩。低首投世網。但恐呂望之。追法薛廷望。
茶鹽以。加之。越出白雲嶂。要看阿佛祖。瘦拳捉藜杖。

春六歌

杏子生。桃葉長。西園日脚踰。女墻墻陰嬌。語誰家娘。涼
涼作隊。採桑玉織。拾礫抵翠羽。鸞燕笑語。殊不忙。吳蠶
睡起未。繭肺腸已作金絲光。歸來遠山堆。莫碧無端野
李嬌春。辛夷花零愁更多。熏骨真香無處覓。

七十三示阿慈

寺已餘。僧田不登百數。何以常乏食。強半了租賦。今年
失中種。坐無牛具。六月始分秧。江流冒膝路。水退秧陷
泥。無雨枯根折。龜兆瘦葉壓。勃土隣家飯。早占我。

方質袍。袴此生爲口腹。夢幻相煎煮。阿慈佐井臼。事衆耐
辛苦。金朝質且盡。父子屹相齟。頽然輒坐睡。欠申久不語。
只箇甘。露滅可質請持去。

西湖寺逢子偉

我。風埃日莫林。逆旅疲坐捫。蚤蝨呼童洗袍袴。起尋
古招提。息與幽人晤。忽覺華氣生。乃與周郎遇。笑談傾坐
人。我亦爲停塵。袖中新詩貫珠穿。妙語麗如花林風。清
甚空階雨。坐令羈旅情。掣肘棄余去。太平疆場空。英雄功
業悞。如君文武姿。其可著閒處。霸陵舊將軍。月黑射猛虎。
夜歸逢醉尉。頗復較勝負。丈夫有用全。世態度今古。何時
紫泥書。夜半搥門戶。邊風吹塞塵。千騎紅粧女。橫槊賦新
詩。唾手取黔虜。麒麟入圖畫。佩劍撚白羽。

和曾逢原試茶連韻

霜須瘴面豁齒牙。門前小舟嘗自拏。茅茨叢竹依龍畬。君
來游時方採茶。傳呼部曲江路賒。迎門顛倒披袈裟。仙風
照人虔敬加。秀如春露濕蘭芽。和如東風吹奇葩。馬蹄歸
路衝飛花。青松轉竅登龍蛇。路人聚觀不敢譁。詩筒復宥
來山家。想見戟門兵衛遮。湘江玉展無纖瑕。但聞江空響
釣車。嗟予生計唯擔鰈。安識醉墨翻側麻。喜如小兒抱秋
瓜。官癖囊絳紗。見之美如癢初爬。愛客自試懽無涯。
身世都忘是長沙。院落日長蜂趁衙。園林雨足鳴池蛙。詩
成句法規正邪。細窺不容銖兩差。逸羣翰墨爭傳誇。坡谷
非子前身耶。沅湘萬古一長嗟。明年夜直趨東華。應有佳
句懷煙霞。

寄彭景醇奉議

我庵湘山麓。君家湘江尾。共看湘山雲。同飲湘江水。君有
負郭田。飽食驕穉世。小兒探井白。大兒了租稅。我獨生事
拙。饘粥每不繼。君如李大夫。時時容乞米。永懷湖山堂。風
物自閒美。楞嚴初讀罷。篆冷空窓几。微風拾殘紅。幽鳥妨
春睡。蒼苔滿門巷。榆柳陰覆砌。杖策亦窺園。悠然望層翠。
歲時無營爲。祭奠修家禮。自覺去幼安。正復不遠耳。遙知
讀此詩。忻然開笑齒。

次韻周達道運句二首

問人欲買山。便應知官情。詩眼艷秋水。袖手望空清。家蓄
不貪寶。寸田常自耕。永懷柴桑歸。悠然見真誠。不甘口腹
累。折腰求乳腥。偶題五字句。醉墨半欹傾。麒麟入圖畫。鼎

石門詩金 十九
彞書姓名何如瘦。瓢中獨酌卽官清。鳥啼春寂寂。院靜花
冥冥。懸知睡足處。衾暖欲窓明。

朱門連大藩。知是故人宅。登門一笑懽。忘其身是客。叢林
斷岸西。聚落一水隔。欲知往來數。雞犬亦相識。人情改朝
夕。世議苦迫窄。公輩月輪高。不泥濁流色。撥書卧清曉。井
汲聞餘滴。噦嚴賓。謁少境。靜意自適。嗟予眷閭里。邊風馬
嘶北。公賢義當親。此外吾何擇。瘴疴蘇書簟。小寢喧鼻息。
夢驚哦公詩。

遊白鹿贈大希先

昔余隱臨湘。解跨白鹿游。公來弔陳迹。但有林壑幽。春風
掃夕陰。雌霓飲澗湫。披晴望形勝。衣裾空翠浮。道人高尻
揖。自陳語和柔。鳥猶爲人好。草亦能忘憂。矧汝家臨川。共
飲西津流。欣然爲題詩。清絕如霜秋。詩成又自錄。小字如
蠅頭。意重恐難荷。鄉義良已周。遙知乘興耳。興罷夫何求。
我和無好語。放擲增嘆羞。

會福巖慈覺大師

慈覺初見我。背呼仰而應。遂同宿湘上。夜語如建瓴。犀顛
氣不讐。虎頷目有稜。精彩類澄觀。突兀掩萬僧。喬嶽占南
極。寒翠知幾層。此老家此山。親分漳水燈。寶坊天雨華。午
梵盤清冥。欲知法席盛。但看道價增。破夏出山來。乃爾忘
規繩。蓋皮爲之灾。公卿慕聲稱。我幸無子累。癡鈍人所憎。
平生寢飯外。摩挲一枝藤。少年入三吳。題詩徧西興。歸來
舟彭蠡。浪山雪崩騰。匡廬落笑中。萬疊橫空青。又嘗游并
汾。跣足渡河冰。衝虎上太行。鷄鳴見日昇。此樂墮渺莽。坐

睡頭髻鬢。搗來湘西。鴻倦鶴整羽翎。只待秋風健。祝融期
再登。

爾能禪三鄉俊宿山

湘西春色無人要。萬頃鏡空飛白鳥。小閣披衣眼力衰。一
聲款乃酬清曉。芒屨閒穿聚落來。此岸綠陰行不了。南臺
老未忘鄉井。抵掌清談輒高笑。烹茶煮筍未當勤。放意賦
詩語奇峭。此生何處不戲劇。萬事隨緣真道妙。何當借子
西齋宿。共看湘月千峰表。

送瑄上人往臨平兼戲廓然

鶻瑄腦骨緊。脚力健生雲。疊數一萬里。捷於臂屈伸。肉佛
不譏訶。稱之返云云。坐誦覺範詩抄錄。亦甚勤。羣兒爭欺
之。偽雜以佗文。瑄獨領不語。飯沙俱一吞。湘西雪達旦。萬
樹吐奇芬。凍行如鷺鷥。雪泥濺衣裙。解包呵直指。又作飢
後蹲。放意說臨平。想見禪誦羣。坐令冷齋中。忽然變春溫。
明朝別我去。掣肘徑出門。便覺西湖月。夜坐生夢魂。

送元老住清修

湘水有廬山。蜀僧有吳韻。無塵而俱清。雪月夜相映。書癡
喜借人。香癖出天性。垂涕撥黃獨。篝火曾發哂。三年我東
隣。家顛開小徑。一飯必招呼。嘲之終不愠。明朝趣去我。歲
逼青陽近。子已飽叢林。件件無遺恨。贈子湘源春。山窮春
不盡。

鄭南壽攜詩見過次韻謝之

砭硃世既以爲玉。芝蘭那知不爲蕪。人間萬事醉不理。攜
被來爲林壑游。雪花成山過驚浪。五展暮天開橘洲。篙師

絕叫風。掠耳蕭蕭。兩鬢空颯颯。松聲盤空上。煙翠顧陟佳處。每遲留。袖中出詩。愕坐客。泠蹄乃爾。容吞舟。東坡句法。補造化。山谷筆力。江倒流。兩翁連聯。竟仙去。暮年見子。忘百憂。念當明日。江南路。幕阜倚天。佳氣浮。故人問我。今何似。爲道摧頽如慧球。

次韻經道夫書堂

書堂山。崦西微路。經桑柘。婉婉綠陰中。偃僂牽羸馬。須臾將平川。時過幽谿瀉。源深人家稀。落日耕釣罷。過墻傍修竹。淡處開茅舍。池塘遠軒窓。秀露風清夜。盃盤燈火裏。笑語茅簷下。白酒瀉新糟。醇醲如壓蔗。酒酣而發赤。箕坐談王霸。排斥出忌諱。怪語令人怕。野僧舊不懽。癡坐相嘲罵。但作鶴腦側。息歡殆無暇。夜闌乞新詩。自愧非作者。張燈掃西壁。把筆強驅駕。萬景每騷縱。此夕偶相借。遂令諸子懽。一一如圖畫。

初到鹿門上莊見燈禪師遂同宿愛其體物欲託迹以避世戲作此詩

上莊俯漢江。古木雜桑柘。槐衙陰廣陌。麥浪漲平野。連雲對困廩。用谷量牛馬。我來二月破。解鞍綠陰下。縱望煙霏中。領略見楮瓦。蒼年骨柴崖。迎客意傾寫。干戈爭奪餘。身在相驚詫。山空啼杜鵑。龕燈自清夜。斂眉問儋州。亟口談江夏。以余遊二公。老大知識寡。暮歸逢醉人。往往遭捶罵。鹿門有餘地。賢矧如君者。爲連修竹林。規以構茅舍。伏春舊所能。犁鋤當學把。相見水過膝。蓑笠清入畫。

山寺早秋

千木蒼杉俱合抱。夕陰相映寒蟬噪。殘僧獨歸清入晝。秋色滿庭濃可掃。霜鐘初歇月未生。但覺篝燈一點明。塔除環珮走流水。樓閣誦經童子聲。

信士入自東林來。請海印禪師過余湘上以贈之。

五湖東歸風轉施。茶櫓聲中飛鳥過。歸蓬不信是廬山。忽驚落瀑從空墮。道人箇中三十秋。那知今始載歸舟。白藕池邊月初吐。應對鄰房說舊遊。

十月桃

雪中桃花夜來折。見稚犯寒爭欲摘。老仙呵手撚吟筆。指以謂余還歎息。已作怱怱十月開。人間安得千年枝。

雨中聞端叔端素飲作此寄之

但見杯中春潑面。不知門外雨翻盆。人間萬事一蠶蚊。正恐卷蠶爲鼈飲。何妨跨項作猿蹲。此生隨處有乾坤。短李貌和聾以棘。王郎耳熱氣如霓。不知今日是何時。醉鄉城郭無關鑰。世路風波太險巇。且看相枕爛如泥。

秋夕示超然

夜色已可掬。林光翻欲流。一鈎窺隙月。數葉攬眠秋。清境扶歸夢。殘缸替客愁。搜詩時畫席。忽覺此生浮。

早春

山中春尚淺。風物麗煙光。澗草殷勤綠。巖花造次香。浮根爭附絡。細葉正商量。好在幽蘭徑。無人亦自芳。

除夕和津汝楫

今夕亦常夕。人偏故國思。不堪槎凍耳。聽誦未歸詩。家室誼譁後。深簷雨雪時。爐香待清旦。此意有誰知。

啓明軒次朗上人韻

澄滓動精色。開軒萬象分。光無回避處。眼自覆藏君。霞縷
縈經軸。煙絲滅篆文。箇中無贅語。題目是先聞。

清明前一日聞杜宇示清道芬

籬外花如海。開軒小寢驚。最先聞杜宇。更覺近清明。雲怒
必爲雨。風和拗得晴。阿芬甘劣我。笑裏恰詩成。

讀瑜伽論

此生已無累。一席可窮年。細嚼寶公飯。飽參彌勒禪。懶修
精進定。愛作吉祥眠。夜久山空寂。唯聞繞砌泉。

春日谿行

側布寶坊地。白沙楊柳灣。憶曾嬰死禍。不自意生還。已覺
無鄉夢。今真是故山。谿花眠霧雨。春在有無間。

宿本覺寺

一宿路旁寺。霜清夢亦寒。憶曾遊覽處。來覓舊題看。病衲
成新塔。層樓隱敗垣。青山猶不老。千疊似翔鸞。

次忠子韻二首

湘雲刺世眼。獨可著閒蹤。鷗迥千尋雨。江寒一再風。旋鑽
新火後。初脫夾衣重。坐客經年別。蘭芽茁舊叢。

新秧翻翠浪。青子退紅英。穫麥風光近。絡絲歡笑聲。疊騰
幽夢破。醞造小詩成。好在歸來燕。營巢占畫楹。

早登澄邁西四十里宿臨臯亭補東坡遺

天下至窮處。風煙觸地愁。村囂聞捉狗。岸汁忽西流。鳥道
通儋耳。鯨波隔萬州。趁鷄行落月。悽斷在蠻謳。

過凌水縣

野徑如遺索。縈紆到縣門。犁人趁牛日。蛋戶聚漁村。籬落春潮退。桑麻曉瘴昏。題詩驚萬里。折意一消魂。

楊文中將北渡。何武翼出妓作會。文中清狂不喜武人。徑飲三盃。不揖坐客。上馬馳去。索詩送行。作此。蘭叢聚貴客。花輪環侍兒。三盃吾徑醉。四座汝爲誰。但覺眩紅碧。了不聞歌吹。翩然上馬去。海月解相隨。

渡海

萬里來償債。三年墮瘴鄉。逃禪解羊負。破律醉檳榔。瘦盡聲音在。病殘鬚髮荒。餘生實天幸。今日上歸艎。

夜坐分題得廊字

一雨餞殘暑。瘴痾蘇簟涼。卧聞山果落。起覺斛蘭香。幌內水螢入。堦除露葉光。知誰愛清境。步屣響修廊。

次韻衡山道中

嶽色墮馬首。嵐光忽滿襟。眼寒知意適。句苦覺愁侵。沃野獻新綠。殘晴釀晚陰。天涯驚去鴈。料理欲歸心。

甲辰十一月十二日往湘陰馬上和季長見寄小春

二首

雨暗書雲節。梅偷破臘春。里閭相餽餉。風物近哀筠。吳語知無伴。楚衣聊試新。忽驚身是客。流落老湘濱。風埃九十里。霧雨濕馳裘。鴈過回詩眼。江寒聚晚愁。魂清方怯雪。句冷更含秋。殘岸連孤嶼。疎似橘洲。

晚步歸西崦

屋除有路入深窳。曳履憍然獨往還。播穀風光寒日近。摘茶時節亂山間。花枝重少入甘老。燕子空忙春自閒。歸晚

石門詩集
斷橋逢野水更能攜手弄潺湲

資國寺春晚

龍鄉戒曉月空斜喚起清圓響絡車燒筍餉田村窈窕拾
薪煮繭語誼譁美析崖蜜嘗新果香識山樊稱意花歸去
路迷光已夕浸門春水一池蛙

秋晚同超然山行

諸方游徧渾如夢古寺歸來獨掩扉無復詩篇雲錦段但
餘心境木蛇形高秋霜葉魚頰赤落日遠山螺髻青步盡
松陰忽回首綠蘿疎處見谿亭

送瑩上人游衡嶽

紫蓋峰頭樓閣生朱靈洞口水雲晴盤空路作驚蛇去落
日人如凍蟻行重郭老師今健否藏年珍木但聞名定應

自掃巖邊石時發披雲嘯月聲

訪友人

日暮荒城倚瘦藤江南春思倍添增那知淮水黃塵路忽
見廬山綠髮僧乞食久辭煙際寺連牀今對夜深燈明年
我亦尋君去同陟天池最上層

石臺夜坐二首

故鄉乃有此叢林下板何妨著寂音永與世遺他日志尚
嫌山淺暮年心凍雲未放僧窓曉折竹方知夜雪深琢句
自應清似玉更宜敲字硬黃臨
歲晚山深遇客稀一燈清坐夜同誰滴階寒響雪消後通
火活紅灰陷時斂目舊遊真可數蓋棺前事尚難知古今
不隔諸緣淨畫出巖中道者詩

誠上人求詩

我昔車輪翠裏行。只今懷想似前生。那知古寺僧窓下。偶見高人眼倍明。秋月半鈎留客意。凍雲千頃欲歸情。杖藜笑出千峰去。添得蒼崖響答聲。

雪夜讀涪翁所作愛之因懷其人和韻奉寄超然

溪雨初收岸草微。柳絲堪入綠羅機。望中情遠恨煙樹。何處暖多嫌衲衣。却信真人還有夢。豈關禪子未忘機。春風痛與傳消息。教憶舊山新翠歸。

送軫上人之匡山

何處高人雲路迷。相逢忽薦目前機。偶逢菜葉隨流水。知有茅茨在翠微。瑣碎夜談皆可聽。煙霏秋嶺欲同歸。儵然又向諸方去。無數山供玉塵揮。

過孜莫翁

禹穴朝來散晚叅。一程隨便達雲巖。南山任把浮雲蔽。西嶺猶將落日銜。幽徑野花開舊紉。石牀楸子下高杉。投宵夜永寒無寐。良憶真僧衣不蠶。

遜首座出示吳中詩

左手不仁右手明。懷情亦復棄茲牀。不知門外山花發。但覺君來笑語香。願紹神情掃秋照。免瘦權詩句挾風霜。兩翁杖屨相追逐。此夕因依夜話長。

次韻超然竹陰秋夕

月脇雲行夜未殘。滿庭風露葉聲林。知誰牆外千竿竹。分我窓西一畝陰。山好已無歸國夢。老閑猶有讀書心。剩題詩句酬幽隱。歲月翩翩接翅禽。

送宗上人歸南泉

燈外佳眠試冷齋。欲成歸夢暗驚。一軒秋色侵衣重。半夜波聲拍枕來。江國潮平人獨吟。山家在意徘徊倚藤。明日秦淮上看子。風帆十幅開。

送僧遊南嶽

古寺閒關聊作招。夏秋歸思謾迢迢。一枕中柔櫓驚鄉夢。門外秦淮漲夜潮。想見舊房生薜荔。堪疎雨在芭蕉。何時却理緣雲策。峰頂同誰看石橋。

送隆上人

人生聚散等兒戲。夢境紛然此一時。心去漸知為客味。秋來長作送人詩。感君義色分心曲。慰我金華兩鬢絲。想見故鄉霜菊後。屋頭千樹橘纍垂。

上元宿百丈

上元獨宿寒巖寺。卧看篝燈映薄。夜久雪猿啼嶽頂。夢回清月在梅花。十分春瘦緣何事。一掬歸心未到家。却憶少年行樂處。軟紅香霧噴京華。

夜雨歌懷淵才邦基

劇笑無因見秀眉。勞生會合恨難離。一水永懷京國舊。遊處伏枕夢魂初破時。戰葉蕭蕭山雨。遙林唧唧草蟲悲。明年定復西歸去。船尾何妨載我隨。

大風夕懷道夫敦素

病覺春寒花信重。起來散策夕陽中。方收一霎挂龍雨。忽作千秋顛鷄風。淮水粘天雲翻。吳山吐月鏡緣空。二豪詩眼應驚覓句遙。知與我同。

石門詩集
湘山獨宿聞雨

殷牀鐘靜自垂簾。庭樹無聲欲
雪天。山寺淒涼容我宿。地
鑪深暖枕眩眠。銅瓶秋蚓爲誰
蠟燭春花亦自妍。夜半
夢回聞驟雨。十年蹤跡一茫然。

將登南嶽絕頂而志上人
以小團圓夸見遺作詩謝
之

磬源獨步寶帶夸。官焙無雙小
月團。未作濃甘生齒頰。先
飛微白上眉端。湯聲蜂穉秋窓
晚。乳面鵝兒春甕寒。飲罷
爲君登絕頂。俯臨落日看跳丸。

送曉上人歸西湖白閣所居

我憶錢塘雪鬢新。三年東望貼
生塵。那知南浦清湘岸。忽
見西湖白閣人。熟視音姿疑
舊寐。便驚風物有精神。倏然

又入千峰去。惆悵孤雲野鶴身。

宿臨川禪居寺書方丈壁

雨過沙村繫客船。行間樓殿帶晴煙。夜深霜月涼於水。門
外雲濤遠際天。禾稻豐登如棄土。菱蓮甘美不論錢。好峰
不住猶行役。忽憶鍾山掬澗泉。

送琳上人并序

孔子之門弟子三千人。咸曰孔子自生民以來未有獨
宋司馬桓魋害之欲殺者數矣。未濟其欲。猶至於伐樹
削跡。自是觀之。則能賢者固難。而知賢者亦未易得者。
琳能口山谷。又畜其像。別余訪了翁。豈可多得哉。作此
送之。然琳曰。明年當過谷山遊南嶽諸刹也。

髯琳身小膽崔嵬。嚴冷中藏熱肺懷。京洛歸來嘗自說。湘

山遊徧與誰偕。解將骨董藏。涪叟又負簾篋。訪了齋。更說開春南嶽去。要尋涪水看磨崖。

寄超然弟

滾掩圓扉夜向闌。夢驚清境慰辛酸。卧聞瓦壘集微霰。起覺衾裯壓薄寒。夏患飽經心老大。雲泉歸晚鬢凋殘。書空偶爾成詩句。寄與西林阿永看。

蔡州道中

此來行盡關山道。梁宋郊墟眼力微。飲食甘酸雜淮甸。語音清軟近京畿。黃塵又向九天去。槁項新從萬里歸。投老不堪行役苦。手遮西日想嵩扉。

海上初還至南嶽寄方廣首座

天風吹笑落人間。白髮新從死地還。往事暗驚如昨夢。此生重復見名山。倦禪想見堆危坐。知法應拋放縱閒。初爵方鮮動詩意。一篇先寄倩君刪。

至筠二首

乞漿問路到筠溪。天氣清和得所宜。父老相逢班草坐。風光初過採茶時。摩挲禪榻營春睡。想像齋厨辦晚炊。白首不知舟壑走。壁間來讀舊題詩。

偶喚歸舟隔亂溪。春山徧與晚相宜。自尋熟路懸崖去。正是新秧刺水時。身健已如秋社燕。夢回猶看客亭炊。雨窓燈火清相對。畫出淵明五字詩。

九日

去歲重陽瘴海濱。病拈霜藥嗅清晨。身閒已斷思歸夢。山好仍逢稱意人。卯飯露葵欣旋摘。夜窓風栗共嘗新。妙年

衲子應相笑。癡鈍耽源老。應真。

二十日偶書二首

春林院落曲欄東。小立初迎到面風。水齒寒生花坼信。濕梅煙重雨毛空。病衰老去登臨倦。節物年時氣味同。却掩鱸煙閉澁閣。忽驚西日借窓紅。

此生早衰坐世故。末路易歸驚嶮艱。臨事無疑知道力。讀書有味覺身閒。解醫憂患臂三折。難隱文章豹一斑。永媿皖山赤頭瓊。不令姓氏落人間。

陳瑩中左司自丹丘欲家豫章至湓浦而止。余自九

峰往見之二首

鴈蕩天台看得足。却搬兒女寄蓬窓。徑來潯水謀三頃。偶愛廬山家九江。名節逼真如醉白。生涯領略類湘龐。向來

萬事都休理。且聽樓鐘噓夜撞。

與公靈鷲曾聽法。遊戲人間知幾生。夏口甕中藏畫像。孤山月下認歌聲。翳消已覺華無蒂。鑛盡今知珠自明。遠壑夕陽殘雨後。一翻飛絮滿江城。

次韻李端叔見寄

一官遊戲且同塵。夢寐江湖亦可人。軒冕久知身是寄。魚鰕纔說口生津。解嘲鏡裏蕭疎髮。時吐毫端浩蕩春。自古浯溪好風月。買山終欲與君隣。

鞦韆

畫架雙裁翠絡偏。佳人春戲小樓前。飄揚血色裙拖地。斷送玉容人上天。天花板潤霏紅杏。雨絲繩斜挂綠楊煙。下來開處從容立。疑是蟾宮謫降仙。

謁靈源塔

高颿駕浪過南溟。那料歸來掃此亭。桃李成陰春老大。谿山好在鬢凋零。瓦燈已照宮商石。卯塔分藏服匿瓶。春雪尚能知客意。蕩除毛孔瘴煙腥。

春日會思禹兄於谿堂

門前谿水蒲萄綠。風掠松窓料峭寒。忽憶十年同禍福。那知今日共盤飧。盡籤書策齊幽架。已買漁舟泊小灘。君會不嫌村落僻。乘閒來此弄漁竿。

懷李道夫

半篙晚漲綠楊灣。接翅鷗歸霧雨殘。數疊吳山圓楚夢。一翻花信釀春寒。別時小語依然在。隔歲來書展復看。補袞胷中五色線。只今應作怒蜺蟠。

徐師川罪余作詩多恐招禍。因焚去筆硯。入居九峰。

投老庵。讀高僧曇諦傳。忽作數語。是足成之。以于

師川。師川讀之。想亦見赦。

歸來卧起有餘適。老去消磨無雜緣。門外不知何歲月。夢中亦覺在雲泉。千年高道誰酬償。一世清閑我賣錢。安得道人江上去。此詩先錄寄師川。

明年湘西大雪次韻送僧吳

夜幾隨覺寒生骨。夢斷空驚月轉簷。漚響卧聞秋蚓泣。火江起撥白灰添。欲酬清景尋儂去。更棹扁舟與子兼。要倩新詩寫愁絕。笑呵凍視蘸毫尖。

効李白湘中體

夕光江搖魚尾紅。何處扁舟開晚蓬。雁字初成春有信。烟

髮空好雨無蹤。荒寒數葉樹。洲岸領略半窓湘。寺鐘浦口
行人已爭渡。林下歸僧欣一逢。

次韻宿黃沙

無計遮欄歲月飛。歲除江寺老垂垂。自圍紅火堆危坐。孰
讀黃沙感歎詩。已笑因山論肥脊。更驚逢水說分離。重湖
去國三千里。想見殘缸夢斷時。

次韻宿清修寺

湘山也學廬山好。落瀑聲飛繡谷風。正欲來歸向兒說。戲
將收拾入詩中。浪驚醉枕寒松響。春滿茶鐺活火紅。清景
骨飛嗟未到。故應唯許夢魂通。

次韻拉空印游芙蓉

翰墨平生氣吐霓。詩成先喜示筠谿。山中見客應偏好。筆
力知公不肖低。夜寂據梧飢鼠出。崑空同聽怪禽啼。上方
聞說非人世。更陟緣雲第幾梯。

次韻渡江有作

棄舟植杖首重回。隔岸遙聞津鼓催。淮上梅傳春信予。江
南山逐笑聲來。行瞻瑞霧籠雙闕。更看神光發五臺。王事
幸陪方外樂。爲君點筆走風雷。

次韻游南嶽

天迥游絲百尺輕。水寒時覺縠紋生。琢磨佳句輸吾弟。文
點春眠付老兄。山寺獨來無一事。竹軒相對有餘清。永懷
東院成千古。寂子難忘叔姪情。

二月大雨江漲晚晴作三首

春寒作意攪吟魂。欲出雲濤已濺門。入畫蕭湘連雉堞。落

不問言金
梅煙雨暗江村。依蒲覓句壯心在。附火抄書老眼昏。一掬幽懷收拾得。設題窓紙與誰論。

我在湘西畫牒中。時高時作送飛鴻。事治山翠經旬雨。印可春晴盡日風。引步幽探聊自適。滿懷疎快與誰同。東君傾寫無餘蘊。都放山茶稱意紅。

投老歸來楚水濱。水清聊可濯衣塵。拚心樂事都還汝。入手清閒不與人。尚有笑談消白晝。更無情緒管青春。暗驚少日王城外。走馬爭先看寶津。

題天王圓證大師房壁

閉戶不妨依聚落。開軒隨分有山林。殘經半掩世情斷。好鳥一聲村意深。籬外霜筠森束玉。屋頭露橘欲垂金。能營野飯羹紅醬。渡水何辭數訪尋。

上元後候季長不至作此寄之

和風凍雨上元後。斷岸橘洲春水生。村寺獨歸江路熟。竹籬誰繫小舟橫。偶成詩句長哦罷。謾折梅花一嗅清。想見惠牀成夜語。此篇先慰遠來情。

夏日偶書

草樹扶疎夏簟清。夢驚鬪雀墮空庭。過牆雌竹已數子。出屋蒼蕪終百齡。雷後怒雲魚尾赤。林梢剩水鴨頭青。都無伎倆酬閒寂。謾搭伽黎自誦經。

與忠子晚步登臺有作

僧殘寺僻游人少。草滿池塘筍過籬。蘆橘帶酸春去後。榴花出葉雨晴時。一年事辦秧齊編。連日江寒水退遲。偶上高臺成遠眺。茲游更得子追隨。

題翠靄堂

虛簷碧瓦臨無地。吐月吞風六月寒。簾捲煙光搖戶牖。雨餘嶽色墮闌干。侍兒自炷真龍腦。座客同分小鳳團。誰謂太平本無象。規模堪入畫圖看。

胥啓道次韻見寄復和之

少年翰墨擅時名。老愛江鄉翠嶽橫。聞道異書常自校。近來佳句與誰評。幽尋湘水映衣碧。小寢晴窓潑眼明。寄我三詩爭妙麗。疑公曾夢筆花生。

寄黃龍來道者

問訊黃龍來道者。住山况味定何如。齒牢未怯和沙飯。眼倦應嫌夾注書。但見衣勝寒薜荔。不妨心賽白芙蓉。都疑生近楂田市。時覺淮南語未除。

禪首座自海公化去見故舊未嘗忘追想悼嘆之情

季真游北游大梁聞其病憂得書輒喜爲人重鄉義久要不忘湘西時訪史資溪亦或見尋此外閉門高卧耳宣和二年三月日風雨有懷其人戲書寄之

前時無際曾入夢。近日真游又得書。一味歲寒甘淡薄。十分歡喜說鄉闈。開尋老儼臺南寺。更過史髯湖上居。想見朝來閉淡閣。卧聽簷雨滴塔除。

次韻寧鄉道中

夾道傳呼部曲森。遙知秋色動吟魂。黃柑綠橘平蕪路。剌水殘山夕照村。似鏡此心清自迥。如雲往事去無痕。鐘聲有寺藏煙翠。忽見林間窈窕門。

次韻資欽元府判見寄
茗盃閒窓不厭過。暮年歸計定如何。我思杖履游嵩少。公
輩家山近洛河。具茨功名關意少。穎臯丘壑賦情多。二詩
俱可鑄崖石。乞與雲煙相蕩摩。

次韻嘉言機宜

幽尋野外興何如。蠶市村囂憶故墟。煮繭生涯春老大。餉
田時節意蘇舒。吹開麥浪南風至。落盡花房小雨餘。暫借
僧窓聊假寐。夢驚身世兩蘧蘧。

歲窮僧衆米竭。自往湘陰乞之。舟載夜歸宿橋口寒
甚未寢時侍者智觀坐而假寐作此詩有懷資欽
提舉

老去生涯無窖子。隔城荒寺到人稀。歲窮百里扣門乞。夜

棹孤舟載米歸。隅坐小僧寒附火。聯拳羸僕睡和衣。故人
醉裏聞薌澤。應背銀缸照翠幃。

正月一日送瘡維那之新昌乞

春水初生湘岸邊。陰晴城郭上元前。暖消積雪成簷滴。火
烈殘香發篆煙。念舊十年鄉井夢。試新一首送行篇。儵然
路入江南去。想見歸時及杜鵑。

周庭秀愛湘中山水之勝。定居十餘年。宣和五年夏
五月。忽息吳中。別余於湘上。作此送之。

詞刃平生工斫伐。探懷每欲取公侯。竭來世事懶經意。醉
看湘山不轉頭。忽憶歸吳泛千里。偶然盡室載孤舟。却將
揮翰風雷手。且釣華亭萬頃秋。

過陵水縣補東坡遺

石門言金
三十一
白沙翠竹並江流。小縣炊煙晚雨收。蒼蘚色侵盤馬地。稻花香入放衙樓。過廳客聚觀燈網。赴市人歸旋喚舟。意適忽忘身是客。語音無伴始生愁。

夜歸示卓道人

身知家本住仇池。傲倪人間老變衰。兩鬢京塵初邂逅。一尊川語問歸期。勸沽何處禽知我。含笑誰家花隔籬。天水摹胡颺風作。夜歸江路月相隨。

雪詩

千巖雨雪黃昏後。一室香燈一寢餘。此夕鄉關入歸夢。明朝雲物記曾書。地鑪不獨開瓶泣。山果時驚落屋除。清境鼎來勞應接。暮年生計未全疎。

送海印夷老住東林

湘容嶽色中秋後。古寺閒房小寢餘。掃徑箒粘新落葉。開窓風掩讀殘書。吹雲又作他山去。種漆何時伴我居。洞上閒名猶在世。未應容易與人除。

雪中

勢密連空若推下。隨風起舞不容追。門閒走犬無葦巷。樹暗棲鴉有刺枝。旋撥地爐通宿火。却呵凍手寫新詩。軒窓秀發驚清晝。萬壑春歸說向誰。

唐生能視手文乞詩戲贈之

草蕪門徑過從少。那料秋來夜話同。屋漏移牀時發笑。粥稠當飯巧於窮。我畱癡絕傳身後。君見平生似掌中。明日渡江應轉首。數峰無語晚連空。

超然自見軒

石門言金
叢林爭致致不得。繭足徑來尋儼師。幽境自能情外見。高
懷獨出世間癡。清晨倚檻臨黃卷。五月亂山關子規。夙習
尚嗟消未盡。壁間時錄和陶詩。

與客啜茶戲成

道人要我煮溫山。似識相如病裏顏。金鼎浪翻螭眼玉。
甌紋刷鴈鴉斑。津津白乳衝眉上。拂拂清風產腋間。喚起
晴窓春晝夢。絕憐佳味少人攀。

懷友人

尋常輕別尚消魂。何況交情過弟昆。孰謂此身閒日月。自
慚疎迹信乾坤。冷冷小雨江邊路。薄薄浮煙竹外村。回首
舊遊方契濶。孤舟何處宿黃昏。

次韻曾侯贈庵僧

野僧自是閒。不復知閒味。譬如庵中人。不見庵外事。

次韻履道雨霽見月二首

昨夜中庭樹。陰寒葉上稠。今宵掃疎影。寫出十分秋。
雨洗詩魂健。梅梢月色新。遙知愁絕處。對影只三人。

海棠

酒入香腮笑未知。小粧初罷醉兒癡。一枝柳外墻頭見。勝
却千叢著雨時。

秋晚

紫梨紅棗八九樹。竹屋柴門三四家。機杼聲遲秋日晚。遶
籬寒菊白開花。

過小院曾窓有假山絕妙作廬山勢書此

廬阜歸心久未降。夢魂時復渡滄江。忽驚古寺秋庭上。翠

蹙煙巒對矮窓

過湘江題慈雲寺壁

慈雲寺在古城隈。月閣風軒照水開。獨倚闌干秋雨後。青山相逐渡江來。

再遊讀舊題

渡頭路入白雲隈。斷岸柴門窈窕開。忽憶去年曾過此。拂塵閒看舊題來。

初至崖州喫荔枝

口腹平生厭事治。上林珍果亦嘗之。天公見我流涎甚。遣向崖州喫荔枝。

贈胡子顯

弄晴雨過秧針出。花信風來麥浪寒。想見豐登民訟少。長

官行摺道書看

舟行書所見

剡水殘山慘淡間。白鷗無事小舟閒。箇中著我添圖畫。便似華亭落照灣。

東坡羹

分外濃甘黃竹筍。自然微苦紫藤心。東坡鑊內相容攝。乞與饞禪掉舌尋。

宿芙蓉峰書方丈壁二首

二十六窩後臂上。夜晴引手酌星河。忽驚此地羊腸險。世路羊腸險更多。

赤髭病客煙瘴面。漆瞳道人冰雪容。俯檻夜殘看落月。不知脚下有千峰。

贈覺成上人

雲泉措置萬事外。鬚髮凋零伸欠中。想見龍城山下路。一川秋色稻花風。

古詩云蘆花白間蓼花紅。一日秋江慘澹中。兩箇鷺鷥相對立。幾人喚作水屏風。然其理可取而其詞鄙野。余為改之曰換骨法。

蘆花蓼花能白紅。數曲秋江慘澹中。好是飛來雙白鷺。為誰粧點水屏風。

心上座余故人。慧廓然之嗣。而規方外之猶子也。過予於湘上。夜語有懷廓然方外。作兩絕。

風骨東甌語帶吳。見君滿眼是西湖。徑山和尚今佳否。想見年來鬚亦枯。

十年不得吳中耗。凋盡耆年村等閒。聞道瘦規顏愈少。餘此老殿湖山。城人以太色事孟昶。號花蕊夫人。大相。

蜀廬山雜興四首。時精兵尚十四萬。宋師止三萬耳。太幽花疎竹冷。梢雲江北江南正。小春但得青山常在。眼不妨白髮暗隨人。見賦給曰。此蜀中張仙也。視之有司。遂信。

別湖山徑入松關。半在雲間半雨間。紅葉滿庭人倚欄。池寒水動秋山。道心將碎。離恨絲絲。春日如年。馬。耳。耳。

白冰連空不見村。冥冥細雨濕黃昏。秋山只尺無由到。須信關人不用門。千宮女皆花貌。妾最妍。如此去朝。天只。只。

秋山木落見遙村。取次人家只隔雲。一陣西風雨中過。數聲笑語嶺頭聞。奉表宣。遜。促。茶。女子。謝。十四。謝。小。人。女。

何責也。世傳其宮詞百首。清翁戲。塵足奪。丁。建。張。藉。之。

贈覺成上人

梅笑晴巖面。開。外。巖。髮。凋。零。伸。欠。中。想。見。龍。城。山。下。路。一
煇。山。木。蒼。且。綠。林。頭。火。人。寒。只。剩。寒。一。朝。西。風。雨。中。飛。煙。
計。關。人。不。用。門。花。白。開。寒。花。紅。一。日。秋。江。慘。澹。中。雨。節。驚。
白。水。數。空。不。見。林。真。真。曉。雨。濕。簷。香。煇。山。只。只。無。由。怪。其。
幽。寒。水。煙。煇。山。為。敗。之。曰。煇。山。法。
限。隔。山。野。人。公。關。半。亦。雲。關。半。雨。間。珠。葉。微。風。人。情。跡。
故。白。髮。部。韻。人。
幽。芬。刺。汁。令。醉。雲。山。北。武。南。五。小。春。山。林。青。山。常。在。即。不。
灤。山。據。典。四。首。語。有。懷。廓。然。方。外。作。兩。絕。
繪。北。李。嶽。時。山。夫。見。君。滿。眼。是。西。湖。徑。山。和。尚。今。佳。否。想。
十。年。不。辨。吳。中。綠。風。盡。青。年。竹。葉。開。開。真。與。隨。心。人。爾。

花蕊詩鈔

九三

費氏蜀之青城人。以才色事孟昶。號花蕊夫人。太祖平
蜀。俘入後宮。昶敗時。精兵尚十四萬。宋師止三萬耳。太
祖以蜀亡。問費答詩云云。太祖更寵愛之。嘗私懸昶像
於閣中。太祖見。訊。給曰。此蜀中張仙也。祀之。有子。遂傳
畫焉。後輸織室。以罪賜死。尤工填詞。入汴時。題葭萌驛
壁云。初離蜀道心將碎。離恨絲絲春日如年。馬上時時
聞杜鵑。調醜奴兒令也。書未畢。軍騎催行。遂止半闕。有
人續之云。三千宮女皆花貌。妾最嬋娟。此去朝天。只恐
君王寵愛偏。使費能抗節。從昶母。此詞不幾為輕薄惡
札哉。然審徵奉表。寅遜促裝。一女子與十四萬小人。又
何責也。世傳其宮詞百首。清新艷麗。足奪王建張藉之

廣蓋外間模寫白多泛設終是看人富貴語固不若內
家本色天然流麗也王平甫考王恭簡所集云止二十
八首然其餘別無可據且手筆一格故仍之按花蕊夫
人有二其一為蜀王建妾號小徐妃者王衍時汚亂為
莊宗所平亦隨歸中國死二人皆出於蜀皆以亡國失
身終亦異矣哉

口占答宋太祖

君王城上豎降旗妾在深宮那得知十四萬人齊解甲更
無一箇是男兒

宮詞

五雲樓閣鳳城間花木長新日月閒三十六宮連內苑太
平天子住崑山

會真廣殿遠宮牆樓閣相扶倚太陽淨甃玉階橫水岸御
爐香氣撲龍牀

龍池九曲遠相通楊柳絲牽兩岸風長似江南好風景畫
船來去碧波中

殿名新立號重光島上亭臺盡改張但是——人行幸處黃

金閣子鎖牙牀

夾城門與內門通朝罷巡遊到苑中每日日高祇候處滿
堤紅艷立春風

厨盤進食簇時新侍宴無非列近臣日午殿頭宣索膳隔
花催喚打魚人厨盤一作御厨

立春日進內園花紅蕊輕輕嫩淺霞跪到玉階猶帶露一
時宣賜與宮娃

三面宮城盡夾墻。苑中池水白茫茫。亦從獅子門前入。旋見亭臺遠岸傍。

離宮別院遠宮城。金板輕敲合鳳笙。夜夜月明花樹底。傍池長有按歌聲。

旋移紅樹斲新苔。宣使龍池更鑿開。轉得綠波寬似海。水心樓殿勝蓬萊。

太虛高閣凌雲殿。背倚城墻面枕池。諸院各分娘子位。羊車到處不教知。

御製新翻曲子成。六宮纔唱未知名。盡將廢策來抄譜。先紫碧王玉笛聲。

才人出入每參隨。筆硯行將遶曲池。能向綵箋書大字。忽防御製寫新詩。

六宮官職總新除。宮女安排入畫圖。二十四司分六局。御前頻見錯相呼。

春風一面曉妝成。偷折花枝傍水行。却被內監遙覩見。故將紅豆打黃鶯。

殿前排宴賞花開。宮女侵晨探幾回。斜望苑門遙舉袖。傳宣聲喚近臣來。苑門一作花間

小毬場近曲池頭。宣喚勳臣試打毬。先向畫樓排御幄。管絃聲動立浮游。游一作油

供奉頭籌不敢爭。上棚等喚近臣名。內人酌酒纔宣賜。馬上齊呼萬歲聲。

殿前宮女總纖腰。初學乘騎怯又驕。上得馬來纔欲走。幾回拋控抱鞍橋。控一作鞞橋一作嬌

自教宮娥學打毬。玉鞍初跨柳腰柔。上棚知是官家認。遍
通常贏第一籌。
常一作長。

翔鸞閣外夕陽天。樹影花光遠接連。望見內家來往處。水
門斜過畫樓船。

月頭支給買花錢。滿殿宮人近數千。遇著唱名多不語。含
羞走過御牀前。

內人追逐採蓮時。驚起沙鷗兩岸飛。蘭棹把來齊拍水。並
船相鬪濕羅衣。

脩儀承寵住龍池。埽地焚香日午時。等候大家來院裏。看
教鸚鵡念新詩。

東內斜將紫禁通。龍池鳳苑夾城中。曉鐘聲斷嚴妝罷。院
院紗窻海日紅。

安排諸院接行廊。外監周回十里強。青錦地衣紅綉毯。盡

鋪龍腦鬱金香。監一作檻

新秋女伴各相逢。卷畫船飛別渚中。旋折荷花半歌舞。夕

陽斜照滿衣紅。清一作浦

早春楊柳引長條。倚岸公堤一面高。稱與畫船牽錦纜。暖

風搓出綠絲絛。稱一作彌

內家宣賜生辰宴。隔夜諸宮進御花。後殿未聞公主入。東

門先報下金車。

選進仙韶第一人。才勝羅綺不勝春。重教按舞桃花下。只

踏殘紅作地裀。進一作出

侍女爭揮玉彈弓。金丸飛入亂花中。一時驚起流鶯散。踏

落殘花滿地紅。

七寶闌干白玉除。新開涼殿幸金輿。一溝泛碧流春水。四面瓊溝搭綺疏。

東宮花燭綵樓新。天上仙橋不鎖春。徧出六宮歌舞奏。如娥初到月虛輪。

紗幔薄垂金麥穗。簾鈎纖挂玉葱條。樓西別起長春殿。香碧紅泥透蜀絛。絛一作椒

翠鈿貼靨輕如笑。玉鳳彫釵裊欲飛。拂曉賀春皇帝閣。綵衣金勝近龍衣。

鎖聲金掣閣門環。簾捲真珠十二關。別殿春風呼萬歲。中丞新押散朝班。關一作間

雞人報曉纔三唱。玉井金牀轉轆轤。煙引御爐香繞殿。漏籤初刻上銅壺。

宮女熏香進御衣。殿前開鎖請金匙。朝陽初上黃金屋。禁掖春深晝漏遲。

三月金明柳絮飛。岸花堤草弄春時。樓船百戲催宣賜。御輦今年不上池。

內人稀見水鞦韆。爭擘珠簾帳殿前。第一錦標誰奪得。右軍輸却小龍船。

禁裏春濃蝶自飛。御蠶眠處弄新絲。碧窻盡日教鸚鵡。念得君王數首詩。

鬪草深宮玉檻前。春蒲如箭荇如錢。不知紅藥闌干曲。日暮何人落翠鈿。

春心滴破花邊漏。曉夢敲回禁裏鐘。十二楚山何處是。御樓會見兩三峰。

博山夜宿沉香火。帳外時聞暖風笙。理遍從頭心上曲。殿前龍直未交更。暖一作弄。

春殿千官宴却歸。上林鶯舌報花時。宣徽旋進新裁曲。學士爭吟應詔詩。

釣線沉波漾彩舟。魚爭芳餌上龍鈞。內人急奉金盤接撥刺。紅鱗躍未休。

白藤花限白銀花。闕子門當寢殿斜。近被宮中知了事。每來隨駕使煎茶。限一作間。

西毬場裏打毬回。御宴先於苑內開。宣索教坊諸伎樂。傍池催喚入船來。

昭儀侍宴足精神。玉燭抽看記飲巡。倚賴識書爲錄事。燈前時復錯瞞人。

小雨霜微潤綠苔。後闌紅杏傍池開。一枝插向金瓶裏。捧進君王殿上來。

婕妤生長帝王家。常近龍顏逐翠華。楊柳岸長春日暮。傍池行困倚桃花。

繁杏夭桃爛殿傍。鑿輿頻幸鬪雞場。歸與倘翫宮中月。好把龍涎蒸滿牀。

平頭船子小龍牀。多少神仙立御傍。旋刺高竿令過岸。滿池春水蘸紅妝。

後宮阿監褰羅巾。出入經過苑囿頻。承奉聖顏憂悞失。就中常怕內夫人。

羅衫玉帶最風流。斜插銀篋幔裏頭。聞得殿前調御馬。掉鞭橫過小紅樓。

六宮一例羅冠子。新樣交鐫白玉花。欲試淡妝兼道服。而前宜與唾盂家。

三月櫻桃乍熟時。內人相引看紅枝。回頭索取黃金彈。遶樹藏身打雀兒。

春天睡起曉妝成。隨侍君王觸處行。畫得自家梳洗樣。相憑女伴把來呈。

小小宮娥到內園。未梳雲髻臉如蓮。自從配與夫人後。不使尋花亂入船。

芳菲桃李似新妝。兩兩黃鸝叫樹傍。倚遍碧闌忘去住。俄驚宮月照華堂。

舞頭皆著畫羅衣。唱得新翻御製詞。每日內庭聞教隊。樂聲飛上到龍池。

春早尋花入內園。竟傳宣旨欲黃昏。明朝駕幸游蠶市。暗使羶車籠苑門。

春日龍池小宴開。岸邊亭子號流杯。沉檀刻作神仙女。對捧金尊水上來。

後宮宮女無多少。起得園中笑一團。舞蝶落花相看著。春風共語亦應難。

雨灑瑤階花盡開。君王應是看花來。靜凭雕檻渾忘倦。忽聽笙簧殿外回。

流鸚枝上弄聲和。惹得愁人愁轉多。數月宮堦無輦迹。但聞別院鬧笙歌。

酒庫新修近水傍。潑醅初熟五雲漿。殿前供御頻宣索。進入花間一陣香。

半夜搖船載內家。水門紅蠟一行斜。聖人正在宮中飲。宣使池頭旋折花。

東宮降誕近佳辰。少海星邊擁瑞雲。中尉傳開三日宴。翰林當撰洗兒文。

近一作鎮中一作太

薄羅衫子透肌膚。夏日初長板閣虛。獨自凭闌無一事。水風涼處讀文書。

沉香亭子傍池斜。夏日巡遊歇翠華。簾畔越盆盛淨水。內人手裏剖銀瓜。

苑東天子愛巡遊。御岸花堤枕碧流。新教內人供射鴨。長將弓箭遶池頭。

水車踏水上宮城。寢殿簷頭滴滴鳴。助得聖人高枕興。夜涼長作遠灘聲。

三清臺近苑牆東。樓檻重重映水紅。盡日綺羅人度曲。管絃聲在半天中。

畫舫花舫總新妝。進入池心近高榜。松栢樓窻楠木板。暖風吹過一團香。

管絃聲急滿龍池。宮女藏鈎夜宴時。好是聖人親捉得。便將濃墨掃雙眉。

御座垂簾綉額單。冰山重疊貯金盤。玉清迢遞無塵到。殿角東西五月寒。

太液波清水殿涼。畫船驚起宿鴛鴦。翠眉不及池邊柳。取次飛花入建章。

金作盤龍綉作麟。壺水樓閣禁中春。君王避暑來遊幸。風月橫秋氣象新。

月橫秋氣象新。

端午生辰進御牀。赭黃羅帕覆金箱。美人捧入南熏殿。玉腕斜封綵纓長。

少年相逐採蓮回。羅帽羅衣巧製裁。每到岸頭常拍水。竟提纖手出船來。

山樓綵鳳棲寒月。宴殿金麟吐御香。蜀錦地衣呈隊舞。教頭先出拜君王。

天外明河翻玉浪。樓西涼月湧金盆。香銷甲乙牀前帳。宮鎖玲瓏閉殿門。

西風吹葉撼宮梧。早怯秋寒著綉繡。玉宇無人雙燕去。一彎新月上金樞。吹一作歌

夜寒金屋篆煙飛。燈燭分明在紫薇。漏永禁宮三十六。燕回爭踏月輪歸。

曉吹翩翩動翠旗。爐煙千疊瑞雲飛。何人奏對偏移刻。御史天香隔繡衣。

金井秋啼絡緯聲。出花宮漏報嚴更。不知誰是金鑿直。玉宇沉沉夜氣清。

內庭秋燕玉池東。香散荷花水殿風。阿監採菱牽錦纜。月明猶在畫船中。

翠華香重御爐添。雙鳳樓頭曉日連。扇掩紅鑿金殿悄。一聲清蹕捲珠簾。連一作暹

清曉自傾花上露。冷侵宮殿玉蟾蜍。擘開五色綃金紙。碧鎖窻前學草書。

御案橫金殿。惟紅扇開雲表。露天容。太常奏備三千曲。樂府新調十二鐘。調一作詞

身層金猊煙穗繞觚稜重廊曲折連三殿密

天門宴閉重關樓倚銀河氣象間一點星球垂絳闕五
雲仙仗下蓬山

安排竹柵與巴籬養得新生鵝鴿兒宜受內家專喂飼花
毛閒看總皆知

初年十五最風流新賜雲鬟使上頭按罷霓裳歸院裏畫
樓雲閣總重修

金畫香臺出露盤黃龍雕刻遶朱闌焚修每遇三元節天
子親簪白玉冠

錦城上起凝煙閣擁殿遮樓一面高認得聖顏遙望見碧
闌干映赭黃袍

蕙炷香銷燭影殘御衣熏盡徹更闌歸來困頓眠紅帳一

枕西風夢裏寒

銀燭秋光冷畫屏輕羅小扇撲流螢玉階夜色涼如水
看牽牛織女星

密色紅泥地火爐內人冬日晚傳呼今宵駕幸池頭宿
比椒房得暖無

